


KUYALA YA ETATS UNIS

 ...luzolo ya Mfumu samu na mwa bima kusalama na bantangu. Beto kwendaka na Denver, ntama mingi ve, mpe me vutuka. Mu banza ti bantu zola kuzaba bansangu, ya lukutakanu: Ya vwandaka mosi ya balukutakanu ya kulutila mbote yina mu me kuzwa tuka bamvula. Beto vwanda me kuzwa ntangu mosi ya ngitukulu. Mwa fyoti mingi ya bantu mafunda zole pesaka bantima ya bawu na Klisto, kukondwa bayina kuzwaka mbotika ya Mpeve-Santu, kukondwa bidimbu ya nene mpe mambu ya ngitukulu yina Mfumu ya beto ya luzolo Yesu salaka na kati-kati ya bantu kuna na Denver. Beto kuzwaka kumwanganana ya ngitukulu, mpe kubundana mosi ya nene ya bantu. Beto bandaka na kutala na mafunda tanu ya bantu, na mbandukulu. Mpe beto vwandaka na Mammoth Gardens. Mpe na nkokila ya tatu, ya vwandaka mpe ve na kisika samu na bantu na kuvwanda na kisika. Beto vwanda me kuzwa ntangu mosi ya mbote, na bampimpa tanu.

² Beto katukaka kuna, samu na kukwenda na Canada, mwana ya munu ya bakala mpe munu. Mpe beto kwendaka na myongo, mpe beto kutaka kitembo ya mvula ya mpembe. Mu banza ti beno kuwaka yawu, na ladio. Mpe mwa bankama mpe makumi nana na nana ya bantu kufwaka na yawu. Mpe beto kangamaka na zulu kuna, na myongo, bilumbu mingi samu na kifuluka ya mvula ya mpembe. Mpe lukutakanu ya beto lutaka, mpe ya lungaka, ti beto kuvutuka na yinzo ntangu yayi, ntete ti beto kwenda dyaka. Na yawu beto ke kwikila ti nyonso yina mu banza vwandaka luzolo ya Nzambi, ti ya ke vwanda na lukutakanu ya kulutila mbote, mpe kima yankaka. Yandi vwandaka na kima na nzila samu na beto yina beto zaba ve.

³ Beto ke tambula na mutindu ya yinza ya mpimpa, kasi na mpimpa ve. Beto ke landa kaka, mutindu Nsemo ke kwenda, na manima beto ke landa Nsemo.

⁴ Mpe Tata ya beto ya Mazulu mu banza vwandaka na kima mosi yina beto zaba ve. Ya lendaka vwanda na mwa kima mosi ya boma na ntwala ya nzila kuna. To, dyaka, mu banza Yandi vwandaka sala na kunata muntu. Beno me mona, Nzambi lenda sala kaka na muntu mosi mutindu yina; Yandi ke soba yinsi ya muvimba kaka samu na muntu yina, samu na kukotisa bawu. Mpe na yawu beto zaba ti ya vwandaka nyonso samu na nkembo ya Nzambi. Mpe beto ke tonda Yandi samu na yawu, mpe samu na kukebaka beto. Mpe ya vwandaka na bantu mingi, beto . . .

⁵ Billy na munu sadisaka bawu, na nzila ya muvimba mpe bima ya mutindu yina, bantu yina salaka masakuba mpe nyonso yina. Kasi beto basikaka kuna kukondwa mpasi mosi. Beto

katukilaka nzila mbala mosi, kasi ya vwandaka kaka samu na mwa ntangu fyoti. Mpe muntu mosi kuna, ya ranch kwizaka kuna mpe basisaka beto na masini ya nene. Beto vwanda kwenda kidi-kidi; ya vwanda ya kusyelumuka mingi.

⁶ Mpe ya vwandaka mosi ya bima yina ba kuzwaka ntete ve na . . . bawu lendaka ve, bantu ya ntangu ya ntama lendaka ve kubambuka moyo na kuzwa kitembo ya mutindu yina, na yinsi yina, na ntangu yina ya mvula, na Roundup, na Montana. Mpe beto vwanaka . . . Beto zaba ti kima ya kubula mingi mutindu yina, Mfumu ya beto vwanaka na diboko ya Yandi na kati kuna. Ya vwanaka samu na lukanu mosi, samu—samu na mbote ya beto. Samu na mbote ya beto, ya kele na yina ya vwanaka.

⁷ Mpe na yawu mu bokilaka Mpangi Neville, na manima mu me vutuka, mpe mu tubaka, “Mu ke vutuka na yinzo na Lumingu. Mpe—mpe kana nge ke zola munu, kukwiza mpe na kutala kuzwa lukolo ya Lumingu, na yina, mbote mingi.” Mpe mu tubaka, “Na yina mu ke . . . mpe mu ke vwanda na kyese mingi na kusala yawu.”

⁸ Yandi tubaka, “Kasi, ya kieleka, Mpangi ya bakala Bill.” Yandi tubaka, “Beto ke vwanaka ntangu nyonso na kyese samu na nge na kukwiza,” na ntima mosi ya nene ya kuzibuka mpe ya kuyamba, mutindu yayi. Mpe na yina lutisaka yawu na ploplame ya yandi ya ladio, mazono. Na yawu beto ke vutula matondo samu na bima nyonso yayi.

⁹ Mpe na suka yayi, ntangu yayi, ya kele Kilumbu ya Bamama. Bantu mingi, beno ke kuwa malongi ya Kilumbu ya Bamama bisika nyonso, mpe bantu ke zonzila na mama, yina mu banza kele mbote. Ya ke vwanda samu na ntangu yankaka ya lukutakanu.

¹⁰ Na suka yayi mu samunaka, ti, dilongi ke vwanda *Kuyala Ya Etats-Unis*, yina mu zolaka kuzonzila. Na yina, na kutala beno kuwaka nsangu na ladio ya beno, mpe beno ke kuwa mingi ya yawu bubu yayi. Mpe ya ke vwanda na dilongi ya Kilumbu ya Bamama, mu banza, na nkokila yayi na balukutakanu. Mpe na yawu mu banzaka, na suka yayi, mu ke samuna, “kuyala.”

¹¹ Mu zonzilaka na yawu na Denver, awa, kieleka ve mutindu mu zola kupesa yawu na suka yayi, kana Nzambi zola. Mpe, beto, kuzwaka ntangu mosi ya mbote na yawu. Mfumu kusakumuna kaka na mutindu mosi ya mbote. Bantangu yankaka ya ke pesaka beto mwa . . .

¹² Beno fwana ningana kaka mwa fyoti, samu na kubakula yinki ya kele nyonso, mutindu yina ve, bantangu yankaka? Mpe beto ke sambila ti Nzambi ke sala yawu.

¹³ Mpe, na nzila, kuna, ntangu beto manisaka . . . Bantu ya Mumbongo ya Denver bayina vwanaka simbidila lukutakanu, mpe ya vwanaka kusimbidila mosi ya mutindu yankaka na yina mu me kuzwaka ntete.

14 Mpe bambala mingi, milongi, ntangu bawu ke simbidilaka lukutakanu, beno ke tuba . . . “Beno samunaka yawu?” “Yinga, na dibuundu.” Ya ke kaka mutindu yina. Yina kele mivungu; bawu zola ti mameme ya bawu kuzaba yawu. Yina kele kaka dyambu ya mbote. Yina kele dyambu ya bawu.

15 Kasi Bantu ya Mumbongo vwandaka fyoti mutindu yankaka. Bawu zolaka ti yinza kuzaba na yawu, na yina bawu basisaka kaka pene ya mafunda tatu to yiya ya ba-dollar samu na kusamuna na ba-tramway, ba-taxi nyonso, na bapare-choc nyonso ya matoma, mpe bisika nyonso. Beto kuzwaka ntangu mosi ya mbote.

16 Na manima kisalu me manisa, ba bokilaka munu na lweka mosi, bawu tubaka, “Mpangi Branham, yinki beto lenda sala samu na nge ntangu yayi? Yinki beto ke defa nge?”

17 Mu tubaka, “Kasi, ya kieleka, kima mosi ve.” Mu tubaka, “Beno ke defa munu kima mosi ve.” Mu tubaka, “Beno, futa facture ya munu ya hotel, awa, kana beno zola.”

18 “Oh, beto zola kusala kima samu na nge.” Mpe bawu zolaka ve . . . Mu zolaka ve kubaka kima mosi na bawu.

19 Na yawu manadwele bokilaka bawu. Yandi tubaka, “Mu banza ti yandi na kutala ke zolaka kuzomba mpe kuloba, mutindu yina ve?”

Yandi tubaka, “Yinga.”

20 Na yawu mosi ya bantu ya mumbongo vwandaka na ranch na zulu kuna, mpe yandi tubaka, “Mu ke sala yandi kaka dikabu ya yawu.”

21 Mbote, Tata Moore kwendaka kuna samu na kumona yawu. Yandi zolaka sala pene ya bakilometele makumi tanu na sambanu, na mpunda. Mu tubaka . . . Tata Moore tubaka, “Mu zola kumona Mpangi ya kento Branham kuvwanda na zulu ya mpunda, samu na kukwenda kuna.” Na yawu yandi, bawu, mpe . . .

22 Kasi, na manima ya yina, ata ti, bawu kwendaka kuna na ferme mosi na Silver Plume, na Colorado. Yayi fwana vwanda na lweka yayi ntangu yayi. Mpe bawu sumbaka ranch mosi ya fyoti kuna, mpe ke na kutungilaka munu yinzo mosi ya bivinga tanu ntangu yayi na . . . na Silver Plume, na Colorado, yina kele kieleka na kati ya ntima ya myongo. Na yawu, beno bilobi, mu banza ti ya kele ntangu ya mbote, na yawu ya ke vwanda kisika ya mbote ya kupema, mpe ntangu na manima ya balukutakanu mpe nyonso, kana Nzambi pesa muswa. Yina me tala Yandi, beno me mona.

23 Mu zola ntangu yayi kunata atensyo ya beto na Ndinga. Mpe mu ke zolaka kaka Ndinga, Ndinga ya Nzambi ya moyo. Ya kele, na kati ya Ndinga kele Luzingu. Ntangu yayi, “Mpova, kisono, ke kufwaka, kasi Mpeve ke pesaka Luzingu.” Mpe Luzingu kele

na kati ya Ndinga, samu ti ya kele Ndinga ya Nzambi. Luzingu kele na kati ya Ndinga ya Yawu.

Mutindu kana mu tubaka na beno, “Mu ke pesa beno . . .”

²⁴ Beno ke tuba, “Mu ke na nzala, na suka yayi, Mpangi Branham. Nge lenda pesa munu ba-dollar tanu?”

²⁵ Mu ke tuba, “Mu ke sala yawu.” Ntangu yayi, ya kele kaka na luzingu mingi na kati ya yina mutindu ya kele na kati ya nsilulu ya munu.

²⁶ Ya kele mutindu mosi ya kele na Nzambi. Ntangu Nzambi ke silaka kima mosi, na yina yina Nzambi kele, ya Yandi . . . Yandi fwana vwanda na kati ya Ndinga ya Yandi. Beno me mona? Ndinga yayi kele na mfunu ve . . . Ndinga yayi kele kaka mutindu Nzambi. Yawu kele Nzambi.

²⁷ Ndinga ya beno kele yina beno kele. Ya kele yina ke kanga beno; mutindu beto vwanda bokilaka yawu. Beno ke kangama na ndinga ya beno. Kana beto lenda baka ndinga ya beno ve, na yina mu ke vwanda na kivuvu ve na beno. Kasi kana mu lenda baka ndinga ya beno samu na konso kima, na yawu ya kele muntu ya lukumu.

²⁸ Mpe Biblia ke tuba, “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi.” Beno me mona? Beno me mona? “Mpe Ndinga kumaka nsuni, mpe zingaka na kati-kati ya beto.”

²⁹ Kana beto lendaka banza, yayi, ntoto ya kieleka yina beto ke na kuzingila, na suka yayi, kele Ndinga ya Nzambi. Yinti *yina* kele Ndinga ya Nzambi. Mpe beno, nzutu ya beno, kele Ndinga ya Nzambi. Nzambi zonzaka na kunata yawu na luzingu mutindu yina, salaka yawu na kusadilaka kima mosi ve; na yina kima mosi ve vwandaka.

³⁰ Beno me talaka ntete luzingu ya muntu, kisika yawu katukaka? Cellule mosi ya fyoti, ya fyoti mingi yina disu ya muntu lenda mona yawu ve; kaka na nzila ya galasi ya nene, ya ngolo. Mpe na yawu me basika muntu ya nkama mpe makumi tanu ya ba-livre, ya ba-livre nkama zole. Wapi kisika yandi katukaka? Beno me mona? Nzambi zonzaka kaka yawu, mpe ya bandaka kaka, na nkadulu, na kuyela, mpe kuna ya butaka kaka yawu ya kieleka. Yandi zonzaka na kunata konso yinti, nyonso, na luzingu. Mpe ya kele kima mosi ya mbote, ya mbote mingi, na suka yayi, na kutala Ndinga ya Nzambi.

³¹ Ntangu yayi, na yayi, na suka yayi, na Ngwisani ya Ntama, beto ke baka na Chroniques. Mu me vwanda kaka fyoti ya kunionga . . . Na yina beno ke na kubaka Chroniques, kapu 18. Mu kele fyoti ya kulemba. Kasi kana Mfumu kuzola . . .

³² Mu zaba ve; beto ke zaba mingi na Kilumbu ya tatu na nkokila. Kana Mfumu zola, mpe dibuundu kuvwanda ya kutwadisa mutindu yina, mu ke zola kuzwa Kilumbu ya tatu,

Kilumbu ya yiya, Kilumbu ya tanu, Sabala, mpe Lumingu, mutindu reveil awa, kaka reveil malongi na Ndinga. [Dibuundu me tuba, "Amen."—Mu.] Kilumbu ya tatu, Kilumbu ya yiya, Kilumbu ya tanu, Sabala, mpe Lumingu, kaka kulonga na zulu ya Ndinga; balukutakanu ya kubeluka ya nzutu ve, kasi malongi. Mu banza ti Mfumu ke twadisa beto mutindu yina. Mpe na manima beto. . . Mu ke zola kaka kuvwanda na beno mpe kuzwa kubundana na ziunga ya Ndinga, na beno. Matondo mingi, na beno, samu na "amen" yina ya mbote, ya kitoko.

³³ Ntangu yayi, na kapu ya 18 ya Chroniques, mpe kubanda na nzila ya 12, beto zola kuvwandisa mabanza ya beto kuna, kaka ntangu fyoti na zulu ya dilongi yayi ya nene ya kilumbu yayi. Ya Ntete ya Chroni-. . . To, Chroniques ya Zole, beno lemvo-kila munu. Ya Zole ya Chroniques 18:12, mpe beto ke tanga kitini ya yawu awa, mpe beto ke mona yina Mfumu ya beto ke sala ti beto kuzaba.

Mpe munati-nsangu yina kwendaka na kubokila Michée zonzaka na yandi, na kutubaka, Tala, bampova ya bapofete ke na kutuba mbote na ntinu na kiwisa mosi; bika ti mpova ya nge na yawu, mu ke lombamba nge, kuvwanda mutindu mosi na ya bawu, mpe nge zonza mbote.

Mpe Michée tubaka, Mutindu MFUMU ke zinga, mpe yina Nzambi ya munu ke tuba, yina mu ke zonza.

Mpe ntangu yandi kwizaka na ntinu, ntinu tubaka na yandi, Michée, beto ke kwenda na Ramoth ya Galaad samu na mvita, to beto fwana bika? Mpe yandi tubaka, Beno mata, mpe ke kuzwa lunungu, mpe bawu ke pesamaka na diboko ya nge.

³⁴ Ntangu yayi, yayi samu na kuvwandisa mabanza ya beto mwa ntangu fyoti; kaka mpova mosi dyaka na Yandi, na zulu ya yayi.

³⁵ Tata ya beto ya Mazulu, na bantima ya kuvutula matondo beto ke belama na Nge kaka na ntangu yayi, samu na myoyo ya kuzimbana, samu na bayina kele na nsatu, samu na dibuundu. Ti, bika Mpeve-Santu kukota na Ndinga na nswalu ntangu yayi, beto ke sambila. Kunata Yawu mbala mosi na konso ntima awa yina kele na nsatu. Mpe ntangu Yandi ke pesa Nsangu ya Yandi ya ngolo ya Ndinga na kati ya ntima, bika ti beto nyonso kukwenda na ntwala na Yawu, na suka yayi; kukwenda, kubasika tabernacle, na kuyangalala mpe kukembisa Nzambi, na kutubaka, "Bantima ya beto ke pela na kati ya beto, samu na Mvwandulu ya Yandi." Samu ti beto me lombamba yawu na Nkumbu ya Yandi. Amen.

³⁶ Dyambu ya beto ya kubanda, na suka yayi, kele dyambu ya boma. Mpe Ngwisani ya Ntama, samu na munu, kele ntangu nyonso kivudi to—to kutanga ya Ngwisani ya Malu-malu.

Bambala mingi, bantu ke tubaka, “Mpangi Branham, samu na yinki nge ke bakaka ntangu nyonso Ngwisani ya Ntama? Na kutala ntangu nyonso, na kubaka dilongi, nge ke vutuka na Ngwisani ya Ntama.” Mu ke salaka yawu samu mu ke zolaka malongi ya bifwani. Mu ke zolaka . . .

³⁷ Ndongosolo ya munu kele yisi mingi, mutindu beno nyonso zaba. Mpe mutindu kaka yina mu zaba samu na kuvwanda kisika mosi pene-pene mingi na kieleka, kele kumona yina kifwani vwandaka, kutala dikani mpe kumona yina ya vwandaka. Mpe kuna mu ke zaba yina *yawu* vwandaka ke vwanda kima ya mutindu mosi na yina *yayi* kele awa, samu ti ya kele kaka kivudi ya yawu. Mpe mu ke talaka ntangu nyonso na Ngwisani ya Ntama samu na kumona yina bana ya Israël kusalaka, kumona yina kitumbu ya disumu vwandaka, kumona yina vwandaka ludedomo ya bapofete, kumona yina bima nyonso yina vwandaka; mpe kuna mu ke vwanda na dibanza ya yina *yayi* kele awa, yina me talana na ntwala yina ke vwanda na nsuka.

³⁸ Na kati ya ntangu yayi, ya vwandaka na kima mosi ya nene yina salamaka na Israel. Ya vwandaka na kati ya mpimpa ya yandi ya kati-kati ya mpimpa.

³⁹ Na Ngwisani ya Ntama, kana Mfumu kuzola, mu banza na balukutakanu yina ke kwiza, Mu ke zola kulakisa mutindu ti Bansungi Sambwadi ya Dibuundu ke talana mutindu bifwani na Ngwisani ya Ntama. Mutindu ti bawu bandaka kaka ya kieleka mutindu na mbandukulu ya Bansungi ya Dibuundu ya Bantu ya makanda, mpe lutilaka na nsungi ya mutindu mosi ya mpimpa, mpe basikaka na kukota na ntangu ya nkembo ya Pentecote, na kubwa ya Mpeve-Santu na dibuundu ya ntete ya . . . na kilumbu ya Bazwife. Na manima lutilaka na ntangu yankaka ya dibuundu ya Bantu ya makanda, na nzila ya nsungi ya mpimpa, mpe kuna ke basika dyaka na kukota na Millenium, na nsuka.

⁴⁰ Ntangu yayi, mutindu ti kuna na kati-kati ya bankama ya bamvula kuna, ntinu yayi ya nene Achab kwizaka na bumfumu. Mpe yandi vwandaka mutindu vwandaka tambula na zulu ya kuzabana ya bantinu yankaka ya Israel, yina vwandaka . . . Achab, yandi mosi, vwandaka mutindu mosi ya mukwikidi ya ndilu. Mu ke tubilaka na yandi mutindu yina, samu yandi vwandaka ndambu ya ntangu na lweka *yayi* ya kikaku, ndambu ya ntangu na lweka *yina* ya kikaku.

⁴¹ Beno ke zaba ata mbala mosi ve kisika ya kutelama, muntu yina ke vwanda ve kisika mosi mutindu yina. To, muntu yina ke zonzaka ti yandi kele Muklisto, mpe yina kele kisika mosi ve, beno zaba ve yinki ya kusala na muntu yina. Bubu yayi bawu kele Miklisto; mbasi beno zaba ve kisika bawu kele. Na dibuundu bubu yayi, bawu ke yangalala mpe ke kembila Nzambi; mpe mbasi, na ngaanda na kunwa, ke sala muvusu, mpe kwenda bisika

nyonso. Na yina mutindu ya muntu yina ya kele mpasi na kusala kima mosi na yandi.

⁴² Mu ke bambuka moyo, ntangu mu vwandaka mwana ya bakala, na ntangu beto vwandaka na mpunda ya ntama, yina vwanda dumukaka bibaka ntangu nyonso. Mpe mu banza ti mingi ya beno bantu, ya mvula ya munu, ke zaba kuna na bilumbu ya mpunda, na matoma ya mpunda ya bilumbu yina. Mu me kwizaka ntangu mingi, awa na bala-bala yayi, na kunataka mpunda mpe ditoma ya mpunda, munu mosi. Mu me kuma na bamvula makumi yiya na tanu. Na yawu, bawu. . . Mu ke bambuka moyo, na mpunda ya ntama yayi, beto ke tula kizitu na laka ya yandi, mutindu beno ke sala na ngombe, samu na kukanga yandi na kudumuka kikaku. Mpe yandi ke dumuka, na mutindu nyonso. Mpe yandi ke katula kizitu yina mpe ke balula yawu, mpe nyonso yina. Yandi ke luta kikaku. Mpe kilumbu mosi, yina yandi. . .

⁴³ Mu vwanda kukiyufula yina vwanda benda kibulu ya ntama yina. Mpe ya vwandaka na kisika mosi ya nene ya yisi kuna. Ntangu yayi, yandi vwandaka na ba-luzerne, oh, na zulu, kasi yandi vwandaka zola. . . Ya vwandaka na mwa matiti ya fyoti ya bayinti ya bambuma na kisika mosi ya yisi. Mpe yandi dumukaka kikaku yina mpe kwendaka kota na kisika ya yisi yina kisika basinga ya bisengo mpe galasi nyonso vwandaka, kisika beto vwandaka. . . na dizala ya beto—ya beto, mpe kukota kuna samu na kuzwa ndambu ya madya ya matiti ya bambuma. Mpe beto zolaka kuzwa mwa bampunda mingi mpe samu na kubasisa yandi na kisika ya yisi yina. Ntangu yandi kotaka kuna, yandi kangamaka kuna. Mpe ntangu yandi vwandaka kuna, yandi vwandaka tekita mpe vwandaka basisa menga, mpe—mpe mutindu yandi vwandaka, kaka samu na kuzwa madya, to zole, ya matiti yina ya bambuma, na yina yandi vwandaka na luzerne, nakutala tii na mabolongo ya yandi.

⁴⁴ Mu ke banzaka ntangu nyonso na kizizi yina. “Nzila ya muvwezi kele mpasi.” Yandi zolaka kaka ve kuvwanda kisika yandi vwanda kudya mpe vwanda kuzwa ntangu mosi ya mbote, kasi. . . yandi zolaka dumuka kikaku mpe kukwenda kuzwa kubeba nyonso mpe kulwala mutindu yina, kaka samu na kuzwa madya ya—ya matiti ya mutindu mosi yankaka. Ntangu yayi, ya kele kaka mutindu bantu ke salaka, bayina ke dumukaka kibaka ya madya ya Nzambi. Beno ke kwikila yawu ve? Bawu ke basika, ke basika bubu yayi; ke kota. Bawu kele na dibuundu, ke kuzwa ntangu mosi ya mbote; na manima, mbasi, ke tekisa samu na kima ya mutindu yina. Ya ke salaka yawu mpasi mingi.

⁴⁵ Achab vwandaka ya kulutila fyoti ya kifwani yina ya muntu. Lweka nyonso mupepe vwandaka fula, Achab vwandaka zyeta lweka yina, kana ya vwandaka na lweka *yayi* to lweka *yina*. Makwela ya yandi kotisaka yandi nyonso na poto-poto, na mwa kento mosi yina vwandaka mwa mwana ya kento ya ntinu,

mwana ya kento ya ntinu, Jezabel. Kento ya kitoko mingi na kutala, kieleka ya kitoko mingi, kasi na kati ya ntima ya yandi yandi vwandaka yimbi. Mpe yandi vwandaka musambidi biteki, mpe yandi salaka ti Israel nyonso . . .

⁴⁶ Ntangu yayi, mutindu mu ke zola kubaka kuna kaka na mwa ntangu fyoti, mutindu ya vwandaka, kukota na dyambu ya ngundi ya bumama yayi, beno me mona, kuna. Mpe ntangu bakala ke banda na kukota na makwela; mutindu ya mwana ya kento, ya kento yina yandi . . . Ya kele ya kulutila na kutala kaka na kitoko. Beno fwana kuzwa muntu, myoyo ya beno zole mpe nzutu ke vukana kintwadi; muntu yina ya kieleka ke vwanda mpangi mpe nkundi ya nge, yina ke kangama na beno na ntangu ya mbote mpe ya yimbi.

⁴⁷ Ntangu yayi, kasi, Achab, yandi kubwaka kaka samu na yandi samu ti yandi vwandaka kitoko, mu banza, mpe kwelaka yandi. Ya zolaka vwanda kima yankaka ve samu na yandi, samu, landila yimbi mutindu yandi vwandaka. Mpe yandi kwizaka kuna. Mpe na yina, ya kieleka, na kuvwandaka ya kufuka na yandi mutindu yina, mpe zolaka yandi, na yina, yandi salaka ti Israel nyonso kusumuka mpe kutelemina Nzambi, mpe kupanza ba-autel ya Nzambi; kutunga ba-autel ya Baal. Mpe bawu kuzwaka kusambila ya Baal Israel nyonso, na ntangu yina.

⁴⁸ Ntangu yayi, kento ya yandi salaka ti muntu ya kudedama Naboth . . .Mingi ya beno me tangaka disolo ya yandi. Mutindu yandi bakaka nsaba ya yandi, na nzila ya luvunu; zengaka ndefi, yunaka, mpe kuzwaka bambangi ya luvunu na zulu ya yandi. Samu, yandi zolaka kusala kima mosi samu na bakala ya yandi; mpe yandi kufwaka muntu ya kudedama, samu na kuzwa nsaba yina vwandaka pene-pene ya lupangu ya kimfumu.

⁴⁹ Nyonso yayi, Nzambi vwandaka tala na yisi. Na yawu profete, Elie, yina vwandaka kisadi ya nene, ya ngolo ya Mfumu, pesaka profesi mpe tubaka na Jezabel yina ke salama na yandi. Mpe yandi tubaka na Achab ti bayimbwa ke kunwa menga ya yandi mosi. Ntangu yayi, ntangu Nzambi me tuba kima mosi . . . Ya kieleka, na bilumbu yina, Ndinga ya Mfumu vwandaka kwiza mbala mosi na nzila ya profete.

⁵⁰ “Nzambi, na bambala mingi mpe na mitindu mingi kuzonzaka na batata na nzila ya bapofete, na kilumbu ya nsuka yayi na nzila ya Mwana ya Yandi, Klisto Yesu.”

⁵¹ Na yawu, *Yayi* kele Ndinga. Mpe kana kima kele ya kuswaswana na *Yawu*, beno bika yawu swi. Beno me mona? Ntangu yayi, na kisika ya zole, Yandi ke zonza bubu yayi na nzila ya profete, mumoni, mpe nyonso yina. Kasi ya ntete kele *Yayi*, Ndinga. Ntangu yayi . . .

⁵² Mpe Achab kusalaka mambu yayi ya yimbi. Mpe yandi landilaka na kukwenda; Nzambi sakumunaka bantu bamvula

mingi. Mpe, na nsuka, Josaphat vwandaka ntinu kuna na Juda, na yina Achab vwandaka ntinu kuna na Israel.

⁵³ Mpe, kuna, Josaphat vwandaka muntu ya kudedama. Yandi vwandaka mwana ya Asa. Asa vwandaka muntu ya kudedama, mpe yandi mwangisaka ba-autel nyonso ya—ya biteki; tungaka ba-autel ya Yehowa. Mpe bawu vwanda kuzwa réveil, mutindu ya vwandaka, kuna na Juda.

⁵⁴ Mpe kuna na manima ya mwa ntangu, Josaphat, to Achab na kisika, tindaka muntu, mpe yandi talaka kitini yankaka ya yinsi, na Syrie, yina ti yandi banzaka vwandaka ya yandi, ti yandi banzaka ti yandi ke kwenda baka yawu. Na yawu yandi yufulaka Josaphat yayi kana yandi zola kukwiza mpe kusala ngwisani na yandi.

⁵⁵ Mpe, ya kieleka, ya kele na kima ya nene ya boma ntangu yayi, beno me mona, ntangu bawu monaka ntinu yayi ya nene, Achab, kuna, mpe bawu monaka mosi ya nene yayi na zulu awa, Josaphat; mosi ya bawu, mwa-tiya; yankaka yina, muntu ya kufuluka na Mpeve. Beno tala mbote mutindu beno ke salaka ngwisani ya beno. Beno tala mbote na yina beno ke na kusala, mutindu beno ke kanga beno mosi kizitu na mimpani. Beno vwanda ya kuvedila, mingi-mingi na kilumbu yina beto ke na kuzingila.

⁵⁶ Mu ke kwikila, dibuundu, kukondwa ntembe, yayi ke na kupela na ntima ya munu. Ya kele samu na yina mu ke na kusosaka bankokila yayi tanu, na bilumbu fyoti; na mbala mosi dyaka, ntete ya salama, kusala kukomba ya nene na dibuundu yayi, na nzila ya Biblia.

⁵⁷ Beto ke na kuzinga na bivudi ya ntangu. Ya lendaka salama na ntangu nyonso. Ntangu beto ke mona bantangu kukwiza samu na bima ke salama; yimbi kaka ya mbeni, mangolo kaka. Beto ke tala mitembo yayi ya mvula ya mpembe mpe nyonso kusalama, biwoni nyonso yayi, bima nyonso ya mutindu na mutindu. Yina nyonso kele yina ke nata bamuvusu yayi, na kumwangisaka ba-bombe yayi mpe nyonso. Ba ke na kuzwa bima nyonso yayi awa na mvusu. Mpe bawu ke na kusakana kuna na labolatwale ya nene ya Nzambi, samu na kulungisa Ndinga ya Yandi. Ya ke salama.

⁵⁸ Na yawu, “muntu ya disumu” ke na kutelama, na ngolo, na mutindu ya luvunu mingi. Oh. Mu vwanda me kuwa mulongi mosi na suka yayi, muntu ya kufuluka na Mpeve, kubaka kidimbu ya kibulu mpe tubaka ti mbeni ya Klisto vwandaka Russie. Wapi kyeta. Uh-huh. Russie kele na kima mosi ve ya kusala na yawu. Ve, tata. Yina kele landila Masonuku. Ntangu yayi, kasi beno tala na ntangu ya nene yayi yina beto ke na kuzingila, malongi.

⁵⁹ Ntangu yayi, Josaphat yayi, na kukitala mwa mbote samu ti ntinu ya nene ya Israël tubaka, “Kwiza, tala munu.” Mpe yandi

kulumukaka kuna. Mpe bawu bakaka ngombe ya bakala mpe mameme, mpe nyonso yina, salaka munkayulu. Ntangu nyonso, na kati ya ntima ya Achab kuna, yandi vwandaka muntu ya luvunu, samu yandi vwandaka sambila ve yina. . . to vwandaka pesa na munkayulu mameme yina mpe nyonso yina na ntima ya kieleka, samu ti, na manima ya nyonso, yandi pesamaka mingi na nsambulu ya kento ya yandi.

⁶⁰ Mpe beno tala, kaka mutindu Achab kwelaka Jezabel na ntangu ya nsungi ya nene ya mpimpa yina ya Israël, yandi nataka kusambila ya biteki na Israël, kifwani ya bubu yayi. Kaka na nsungi ya mpimpa; ntangu beto me luta na bantumwa ya ntete, na nkonga ya zole, ya nkonga ya tatu, kuna me kota na nsungi ya mpimpa, na bamvula funda mosi na nkama tanu. Kaka mutindu Achab kwelaka Jezabel mpe nataka lusambulu ya biteki na Israël, mutindu mosi dibuundu ya Mpeve-Santu me kwelana na ba-isme, mpe me vutula lusambulu ya biteki, mpe bubu yayi ya kele mutindu ya Buklisto. Beno me mona? Beno me mona, kaka mpimpa mingi. Mpe ntangu yayi ya me landila na kukwenda na ntwala, konso kilumbu; konso nsungi ya dibuundu ke kwenda na kima yina mosi, na kisika ya nene ya zulu, na kondisyo ya tiya ve madidi ve yina ke na kwiza, Nsungi ya Dibuundu ya Laodicée ya tiya ve madidi ve. Oh, wapi ngunga ya boma yina beto ke na kuzingila.

⁶¹ Beno kuwa. Mu zola kufunguna kaka awa, ntete mu kwenda ntama. Mu kele mulongi ya mutindu ya ntama yina kele na nsatu ya kumona bilumbu ya ntama dyaka. Mu me mona mingi bilanda-landa yayi, Hollywood ke ngengisa Nsangu ya mbote, tii mu me bela mpe me lemba yawu. Yinga, tata. Mu zola kumona mutindu ya ntama. Mu kele na boma ti beto ke na kusala Buklisto kitoko mingi samu na bantu; ya kele kisika ya boma.

⁶² Ntangu yayi, Josaphat me kulumuka, ke na kubanza, “Oh, mbote, ntinu yayi ya nene ya Israel, mu ke kaka. . . Oh, beto ke. . . Ya ke vwanda nyonso mbote.” Mpe kaka na kati-kati ya bima nyonso yayi ke ngenga, yinki yandi salaka? Yandi salaka ngwisani, samu na kumata mpe kukwenda nwanisa mbeni, na dyambu mosi, samu bawu tubaka, “Beto zole kele bantu mosi.” Kasi bawu vwandaka ve. Mosi vwandaka nkonga ya kufuluka na Mpeve, yina yankaka vwandaka nkonga ya tiya ve madidi ve. Bawu kele bantu mosi ve. Ve, tata. Beno lenda ve. . .

⁶³ Mpimpa lenda kubundana ve na nsemo. Mpimpa lenda kuzinga ve na ntwala ya nsemo ya mwini. Mpe ntangu ya kulutila boma kuna yina kele, ya kele na kati-kati ya bantangu. Kaka na ntangu mwini ke na kukotaka to ke na kubasikaka, ya kele ntangu ya kulutila boma yina ya kele. Ya kele na kumona mingi ve samu na kumona pwelele; minda ya beno ya tomabilu ya beno lenda lakisa ve mbote mpe pwelele. Ya kele mbote to ve na mpimpa to nsemo. Yesu tubaka, “Beni vwanda tiya to madidi, tiya ve madidi ve.” Kaka, yina kele kisika ya boma.

64 Mpe kuna Josaphat, ntangu yandi kulumukaka, mpe kuna ngwisani ya nene yayi kusalamaka, yina sepelisaka Nzambi ve. Mpe beno tala, kaka na ntangu ya yandi, ya mbokolo nyonso yayi awa, “Mu me kuzwa lemvo na ntinu yayi. Mpe, oh, mu—mu—mu ke kuzwa kubundana na mfinangani yayi. Mu me . . .”

65 Beno me mona, beno sala keba, na yawu, dibuundu. Beno me mona? Yawu yina ke nataka bampasi nyonso na tabernacle yayi awa, mpe bisika yankaka. Beno me mona? Beno sala keba na yina beno ke vukana. Beno me mona? Beno basika mbala mosi kuna, mpe to beno ke vwanda ya Klisto to beno ke telemina Yandi. Beno me mona?

66 Ntangu yayi, muntu yayi salaka ngwisani, mpe yandi banzaka ti yandi salaka kima mosi ya nene. Kasi, ntangu yandi tubaka, “Ya kele ve kuna ntangu yayi, ntete beto mata, beto fwana yufula Mfumu na yina me tala yayi?” Ntangu yayi, Josaphat vwandaka na nsambulu mingi yina bikanaka na yandi, na kati ya kyeta ya yandi, ti yandi kwendaka kuna na ntinu yayi, kasi yandi vwandaka na nsambulu mingi yina bikanaka na yandi na kubanza, “Mbote, beto fwana mwa fyoti kuyufula Mfumu.”

67 Ntangu yayi, Achab vwandaka kwenda na ntwala kukondwa kutuba dyambu; kaka mutindu ya yandi mosi ya mekaniki, ya nzutu, ya bumuntu ya kusala bima.

68 Mu ke kukiyufula kaka awa, dibuundu, kana ya me vwanda ve mutindu yina, bambala mingi, beto me sala banzimbani. Beto ke bakula yawu, mpe ke tuba, “Mbote, ya fwana vwanda mutindu yayi,” mpe beto ke tula yawu mutindu yina.

69 Mu banza ti ya kele kisika bantu mingi ya Amerika ya kumwangisa nsangu ya mbote kele bubu yayi, ti beto me tula yawu na mutindu ya—ya, mu ke tuba, malongi ya misiyoni ya Hollywood, nyonso ya muvimba ke ngenga. Beto ke tala evangéliste kukwiza na estrade, bubu yayi, mpe, oh, yandi kele nyonso na lunangu, mpe ke tuba bansaka ya kulutula mingi ntete yandi banda na kulonga, mpe bima ya mutindu yina, mpe ke landila mutindu yina mpe ke sala mutindu klune, na chaire. Ntangu ya ke kuma ntangu ya kusala mbokolo ya autel, bantu ke mona mpe ve bukieleka mosi samu na kusala mbokolo na autel. Ya kele kieleka. Ya kele samu na yina yinza me kota na nkadulu ya tiya ve madidi ve bubu yayi, na yina ya kele na kati.

70 Mu ke kukiyufula, bubu yayi. Ya kele kaka, bubu yayi, mu . . . Dibundu, beto me meka na kutinda bana ya beto ya babakala na lukolo, samu na kulonguka psychologie, mpe nyonso yina mutindu yina, samu na kuzaba mutindu ya kutula manaka, samu na kukota na chaire mpe samu na kubongisa ya beto . . . Nsangu ke ngenga mingi, ti ya ke simba bantu, mpe ke simba mabanza ya bawu. Mpe ba-psychologue mingi ya nene ke kumaka milongisi mutindu yina, mpe ke sala kimpa mpe ke tula mingi na kima. Mpe mu ke kumiyufula, ntangu bawu . . . ti . . .

Beto ntangu nyonso ke tubaka na kitoko ya dibuundu mpe yina ke benda ya dibuundu. Kasi beto ke kondwaka na kutuba na bawu, “Yandi yina ke landa Munu, ti yandi kukimanga yandi mosi, kubaka kulunsi ya yandi, mpe kulanda Munu.” Mu ke kumiyufula kana beto me sala ve kitoko ya dibuundu kitoko mingi, samu na muntu yina ke kwiza.

⁷¹ Mutindu, dibuundu ya ba-Baptiste bubu yayi kele na slogan mosi, “Fuku mosi dyaka na mvula 1944,” ke kotisa bamambeke mafunda, mpe makumi ya mafunda, bantu ya kukondwa kundima, kaka bantu yina ke kota mpe ke kuma ya dibuundu. Mpe ya ke bebisa lukumu ya Dibundu ya Yesu Klisto, samu na kukotisa bamambeke ya mutindu yina. Bawu ke kunwa dyaka. Bawu ke kunwa dyaka tabaka. Bawu ke bula dyaka bansaka ya mbongo. Bawu ke vuna dyaka.

⁷² Bawu ke kwiza na dibuundu, na kuingilaka na kutala kimpa na nzila ya nkonga ya ba-evangéliste ya Hollywood yina ke mata, ke tula kungenga mingi, mpe kutula bisadilu mingi ya nene na chaire.

⁷³ Ntangu, bawu zolaka kuzwa mutindu ya ntama, ya mbokolo ya autel, ya Nzambi ya ntete, ya kuboka na yisi kuna; ntangu babakala mpe bakento ke kwiza ve samu na kungengisa, to kukwiza mpe kusala mutindu klune, kasi kufukama na autel mpe kuzaba ti lufwa ya Yesu Klisto kuna, yina kufwaka samu na bawu, ti bawu ke na kuvutuka dyaka na kieleka na Nzambi.

⁷⁴ Mu ke kukiyufula kana beto ke na kuzinga ve na mutindu yina ya ntangu, ntangu beto ke baka ba-evangéliste ya nene, mutindu mingi yina ke na kusabuka bayinsi bubu yayi, ba-evangéliste ya kuzabana nene bayina ke longukaka psychologie mpe ke bendaka bantu na dibuundu. Kasi na manima mbala mosi beno me kotisa bawu na dibuundu, kuna yinki beno ke sala na bawu? Yinki—yinki beno ke sala na manima bawu ke kota na dibuundu? Ke kuma kaka ya dibuundu, mpe ke vutuka na disumu mosi yina mpe na nsatu mosi yina bawu kotaka na dibuundu. Bawu ke vutuka mutindu mosi. Mpe ya kele samu na yina, bubu yayi, yinza ke tala, ke tuba, “Mbote, kana muntu *yina* me kuzwa nsambulu, kana muntu *yayi* me kuzwa nsambulu. . . .”

⁷⁵ Mu ke na boma ti beto me sala yawu kukondwa mpasi mingi. Ya kele, mu zola. . . Mu banza, kyese, ya kieleka, mu ke kwikila ti kyese nyonso kele na kati ya Yesu Klisto. Ya kele kieleka. Mu ke kwikila ti ya kele na kyese mingi mpe nsayi. Kasi beno bambuka moyo, mpangi, ya kele nzila ya mpasi mpe ya kutala mpasi mpe kulunsi. Beno fwana bakula yawu, mpe. Ya kele kieleka. Mu ke kukiyufula kana beto me lenga yawu fyoti mingi ve—fyoti mingi kukondwa mpasi.

⁷⁶ Mutindu, mu vwandaka tala, mpe kento ya munu tulaka. . . beto vwandaka na nzila, mpe yandi tualaka rose na kazaka ya

munu na suka yayi. Yandi tubaka, “Nge fwana lwata yawu. Mama ya nge kele moyo.”

Mpe mu tubaka, “Oh, cherie, mu zaba ve.”

⁷⁷ Kilumbu ya Bamama kele mbote, kasi ya kele mutindu yinza, bawu me kumisa kima ya mumbongo, kaka samu na kutekisa bafololo mpe bima ya mutindu yina. Beno tala, ya kele kukwenza samu na bamama. Kasi, mama ya munu kele mama ya munu konso kilumbu ya mvula, yinga, tata, kaka kilumbu mosi ve.

Mu ke tuba, “Beno zola mama ya beno?”

⁷⁸ “Mu tindaka yandi kitini ya bafololo ya kitoko na Kilumbu ya Bamama.” Mbote, mpangi, yandi fwana vwanda mama konso kilumbu. Kasi ya kele mumbongo.

⁷⁹ Fololo yina kele kitoko. Mu ke zolaka fololo ya kitoko. Mu ke banza na yawu kaka mutindu mu ke salaka. . . Mutindu kitoko fololo kele. Yawu ke basika. Mpe ya kele na mananasi. Mpe muntu ke luta ke kuwa nsunga ya yawu. Niama ke kwiza kuna, ke kuwa yawu. Kasi, ntangu yayi beno tala, ya kele kitoko. Mutindu Dibuundu ya Mfumu ya Yesu Klisto, Ya kele kima ya kulutula nkembo; Bakubeluka ya Kinzambi, mpe bangolo, mpe mambu ya ngitukulu, mpe bidimbu, mpe bimangu, mpe kimpwanza na disumu. Ya kele kisika ya kitoko. Kasi, beno tala, kana rose yina. . . Beto fwana kwiza, Dibuundu, mutindu yinza nyonso.

⁸⁰ Rose yina, na kuvwandaka kitoko, konso ngombe na yinsi ke pela yawu kana yandi lenda. Kasi yinza me pesa yandi mwa ba-baionnette, mwa badyonga yina ke basika kuna, yina ba ke bokila bansende, mpe bawu ke kwenda ntama na yawu. Ya kele yina ke keba yawu. Ya kele kieleka.

⁸¹ Mpe mu banza, bubu yayi, kana beto kele ve na Ndinga ya Nzambi, ya meno kulutula mbele yina kele na meno balweka zole, na kitoko ya ngolo ya busantu ya Nzambi, beto ke bika konso ngombe kukota na yinsi kupela Yawu mpe kubuka Yawu. Ya ke kumisa Yawu mvindu. Ya ke vwanda kuvwenza samu na Dibuundu. Ya kele kieleka.

⁸² Mu banza, bubu yayi, yina beto kele na yawu nsatu kele milongi ya mutindu ya ntama, yina Nzambi me bokila, yina ke konza pwelele, bawu lendaka vwanda na ndongosolo mingi ve, kasi ke nata bantu na autel, mpe kuna ke nyonga. Ve na kyese mpe kuseka, mpe ke kudya chewing gum, mpe ke tula nkumbu na mukanda; kasi, mpangi, mutindu ya ntama ya kuboka mpe ya kukifwa, tii babakala mpe bakento ke balula ntima na masumu ya bawu nyonso mpe ke kwiza pene-pene ya Nzambi. Amen.

⁸³ Mu ke tuba na beno, beto kele, “Beno telemisa maboko ya beno, nani zola kundima Klisto,” nyonso mutindu yina. Ya kele nyonso mbote, mpangi, kasi yina ke—yina ke katula disumu ve.

⁸⁴ Beno fwana kubalula ntete ntima, kusungama, kufukama kuna mpe kudila ya kieleka. Mu lenda bambuka moyo na bantangu bantu ya ntama vwanda kulumuka bakulwale, mpe kumata mpe kukulumuka na banzila, ke dila, mpe ke zonza na bamfinangani ya bawu. Ya vwandaka Baklisto ya kilumbu yina; vwandaka tuba na bawu mambu ya Mfumu.

⁸⁵ Mpe, bubu yayi, beto ke tula nkumbu ya beto na buku ya dibuundu, mpe beto ke basika mpe ke vwanda na yinzo, mpe beto ke tuba ata ndinga mosi ve na zulu ya Yawu. Ke kipe ve. “Kana kaka ntangu nyonso beto kele ya dibuundu, ya kele nyonso mbote.” Mu ke ndima ti beto kele na kyeta kuna, bantu. Beto fyongonina. Samu, yina ke vwanda ve na balufundusu. Ve, tata. Ya ke simba ve.

⁸⁶ Kima yankaka ve, “Yandi yina ke landa Munu, ti yandi kukimanga yandi mosi, yandi baka kulunsi ya yandi, mpe kufwa konso kilumbu.” Kuvwanda ya kufwa, kuna na kulunsi. Ya kele kieleka. Me kubwa ngambu! “Nzila, mu ke baka nzila,” beno ke yimbaka, “na mwa bantu ya kyadi ya Mfumu.”

⁸⁷ Mu banza bubu yayi, wapi ntangu beto ke na kuzingila! Ti, kumwangisa nsangu, bawu ke tula yawu na minda ya nene, mpe bawu ke meka. . . Ntangu beno ke mona evangéliste kukwiza na mbanza, beno ke kukiyufula. Munu, balukutakanu ya munu me bwabanaka yawu mutindu mosi. Ya kele kieleka. Mu ke kukiyufula nani ke kwizaka na mbanza, na ntangu mosi, evangéliste to Yesu Klisto? Samu na yinki, bawu me. . .

⁸⁸ Mu kwendaka na kisika mosi awa, ntama mingi ve, kisika evangéliste mosi zolaka kwiza. Mpe Nkumbu ya Yesu. . . Kasi, bawu vwandaka na foto ya evangéliste, “muntu ya ngunga,” muntu na *yayi*, mpe muntu na *yina*.

⁸⁹ Munu, bantangu yankaka mu ke banzaka na ministele ya munu, mpe mu ke monaka bantu kukwiza. Mpe mu ke kota na kivinga na hotel, ke tuba, “Nzambi, nani—nani bantu ke na kwiza kumona, munu to Nge?” Beno me mona? “Kana bawu ke kwiza samu na kumona munu, bawu kele ya kuzimbana, kasi; dyaka, O Nzambi, mwangisa munu, katula munu na nzila. Mu ke zola kumonisa Nge, Yandi Yina beto ke telama na ntwala ya kilumbu mosi, na maboko ya kutekita mpe kutekita, ya kulemba na nzutu, na kutalaka Nge. Na kuzabaka ti moyo ya munu kele ya kunamika na lukanu ya Nge.” Beto kembisa Klisto.

⁹⁰ Bubu yayi, beno ke tuba, “Mbote, mu kele Baptiste. Mu kele Methodist. Mu kele ya tabernacle. Mu ke salaka *yayi*.” Oh, yina kele na kima mosi ve ya kusala na yawu; kima mosi ve. Mu ke kukiyufula bantangu yankaka.

⁹¹ Awa ntama mingi ve, mu monaka mukanda ya kusamuna, kisika campagne mosi vwandaka kwiza na mbanza. Mpe mpova ya muntu yina, nkumbu ya muntu yina vwandaka ya kusonika na bisono ya nene mingi bisika nyonso, mutindu *yina*. Mpe na

yisi, na mwa nsongi mosi, ba tubaka, “Yesu Klisto kele mutindu mosi mazono, bubu yayi, mpe ntangu nyonso,” kuna na nsongi. Beno me mona?

⁹² Bawu me baka mitindu nyonso ya santu ya Klisto, mpe me tula yawu na zulu ya muntu mosi, to na dibuundu mosi, to na organisation mosi. Mpangi, mu ke tuba, beno lenda tambula na bima ke ngenga, na bukluve ya Hollywood, mutindu yina, na . . . na dibuundu. Kasi, na Ntwala ya Yesu Klisto, Yandi kele Yina ke vwanda na nkembo. Ya kele kieleka. Ntangu yayi, ya kele kieleka, mpangi ya munu ya bakala ya luzolo mpe mpangi ya munu ya kento.

⁹³ Beno dasukila munu ve. Beno bambuka kaka moyo ti mu ke na kulongaka na beno. Mu zola kulonga mutindu kana yayi vwandaka dilongi ya nsuka mu ke longi na luzingu ya munu. Mu zola kulonga, dilongi nyonso mu ke longi, mutindu kana mu vwandaka muntu ke na kufwa ke na kulongaka na bantu yina ke na kufwa. Mpe, mu kele; nsemo ya munu ke na kupela, konso kilumbu; ya beno kele, mpe. Mpe beto kele bantu ke kufwa. Mpe beto fwana kukutana Nzambi ya moyo, mosi ya bilumbu yayi, mpe beto ke sala mbote na kuvwanda ya bukieleka mingi samu na yayi.

⁹⁴ Kaka na kungenga, mpe kulandila kukwenda, mpe kukuma ya dibuundu, mpe kukwenda *awa*, mpe *kuna*, kusala mutindu *yayi* mpe mutindu *yina*.

⁹⁵ Beto ke sala mbote na kuvwanda na balukutakanu ya bisambu na bayinzo ya beto, mpe kuboka na Nzambi, kilumbu mpe mpimpa. Kilumbu me kuma pene-pene, “ntangu ya mawa, ntangu ya mpasi.” Biblia me tuba, “kilumbu mosi ya mpimpa.” Mpe beto ke na kuzinga na kati ya yawu.

⁹⁶ Mutindu ti muntu ya nene yayi kwendaka kuna na kilengi nyonso. Yandi vukanaka yandi mosi na bantu ya tiya ve madidi ve, na bantu ya ndilu, mpe banzaka ti yandi vwandaka sala kima ya nene, yandi banzaka ti Nzambi vwandaka sakumuna yandi. Mpe vwandaka bakula ve ti kaka kuna yandi vwandaka kotisa nkonga nyonso yayi na yandi. Yinki? “Nkonga ya beto ya fyoti, ya—ya Juda awa, ke kulumuka kuna mpe ke vukana na bankonga ya nene ya Israel. Wapi bantu ya ngolo beto ke vwanda.”

⁹⁷ Beno bawu yayi. Mpe ya kele kieleka nzila ya luvunu dyabulu ke na kusadilaka kaka ntangu yayi, samu na kukotisa mbeni ya Klisto; kaka kieleka mutindu mu me telema awa. “Beto ke vukisa bangolo ya beto kintwadi.” Beto lenda sala yawu ve. Wapi mutindu bantu zole lenda kutambula kintwadi, kana ti bawu kuwisana ve?

⁹⁸ Etats-Unis yayi ke na kusalaka mutindu mosi, kieleka nzingulu mosi mpe kyeta mosi, ntangu yandi vukanaka na Russie kuna. Na ntangu yina bawu vwandaka kaka pene na kuzwa mvita, mpe vukanaka beto mosi kintwadi na Russie. Mpe ntangu

yayi beno ke mona yina beto me kuzwa, mutindu yina ve? Ba kele na bampepo ya beto mpe mansweki ya beto nyonso, mpe bambombe ya beto ya atomique mpe nyonso yina kele kuna, samu na kupasula yawu na beto. Kima mosi ke tambula na kimpeve.

⁹⁹ Na yina beto ke mona ti, na manima Josaphat salaka ngwisani yayi, mpe bawu yufulaka. Ntangu yayi beno tala mbote, beno tala mbote yinza na ngaanda, yandi tubaka, “Ya kieleka, beto kele na bapofete mingi awa. Beto kele na seminere ya kifuluka na bawu.”

¹⁰⁰ Bawu kwendaka mpe bakaka bantu yina longokaka, bayina zabaka psychologie, bayina zabaka nyonso na zulu ya yawu. Bawu tubaka, “Beno mata ntangu yayi, mpe beto me lomba mpe ke yufula Mfumu.”

¹⁰¹ Bawu nyonso, ya kieleka, na dibanza ya bawu ya nsuni ya kifuluka na lunangu, kwizaka kuna mpe tubaka, “Ntangu yayi, tala, beto. . . Beno mata. Mfumu kele na beno, mpe Mfumu ke pesa beno kitini ya yinsi yina kuna. Ti, ya ke vwanda ya beno. Beno ke vutula na manima bantu ya Syrie nzila nyonso. Beno ke sala yawu.” Mosi ya bawu salaka mpe yandi mosi mampoka zole ya nene ya kisengo, mpe bandaka na kutambula mutindu *yayi*, na kutubaka, “Yayi kele mutindu, beno ke vutula manima bantu ya Syrie.”

¹⁰² Kasi, Josaphat, kaka fyoti mingi ya kimpeve, samu na kubika buzoba yina ya buklune. Ya kele kieleka.

¹⁰³ Ti Nzambi, pesa beto mwa ba-Josaphat yankaka, ya kubela mpe ya kulemba na buklune yayi awa ya Hollywood. Ya kele kieleka, ke sala bilanda-landa, na kuzolaka kuvwanda kima yina bawu kele ve; ke sala kumonikisa, kimpa, samu na kubenda. Mpe na ntangu bawu ke kwiza, yinki beno kele na yawu na kupesa na ntangu bawu ke kota? Ya kele mutindu kulomba muntu, “kwiza saya na ntoto ya kuyuma”. Kima ve kasi zyelo na mubu na zulu ya yintu ya beno, samu na nata mawa na manima.

¹⁰⁴ Ntangu yayi beno tala, na yinki beno lenda nata bawu na kati? Mama mosi tubaka na munu kilumbu yankaka yina, “Muntu mosi tubaka, ‘Mu ke kwenda na dibuundu, kasi yinki—yinki mu ke kuzwa ntangu mu ke kwenda na dibuundu?’ Yandi tubaka, ‘Nyonso yina bawu ke salaka kele mwa madya ya nkokila, mpe bawu. . . samu na *yayi, yina*, mpe yina *yankaka*.’” Mpe mama tubaka, “Mu telemaka swi kukondwa ndinga, samu ti mu zabaka ve kisika ya kutinda yandi.” Yawu yina. Yandi tubaka, “Mu ke zola kuzwa dibuundu ya ntama kisika kieleka ba ke yimbaka bankunga ya ntama mpe ke zingaka na busantu.”

¹⁰⁵ Bana kele na nzala, bawu ke kwenda kudya na dizala. Ya me tala Dibundu ya Nzambi ya moyo na kudikisa bawu na Ndinga ya moyo ya kieleka ya. . . ya Nzambi.

¹⁰⁶ Kuna, na kati ya kungenga nyonso yina mpe nyonso yina, Josaphat tubaka, “Ya kele dyaka ve na mosi yankaka?”

107 “Mosi dyaka?” tubaka Achab. “Mbote, yinki nge ke sosa na mosi dyaka? Beto me kuzwa bantu nkama yiya ya kulutila mbote yina kele na yinsi, ya kutelama awa, yina ba me soola, ya kulonguka, yina ba ke dikisaka mbote, ya kulwata mbote. Bawu nyonso ya kiwisa mosi, mpe na ntima mosi, mpe ndinga mosi, me tuba, ‘Beno kwenda! Nzambi kele na beno.’”

108 Mu ke kukiyufula kana Etats-Unis me kutana na dyambu mutindu mosi ve. Mu ke kukiyufula kana Dibuundu ya Nzambi me kutana na kima ya mutindu mosi ve. Mu ke kukiyufula. “Mbote,” bawu ke tuba, “tala, ba ke na kuzwa lunungu. Ba ke na kuzwa balukutakanu ya nene, mingi. Ba ke na kuvukisa mafunda na mbala mosi.” Kasi mu ke kukiyufula kana ya kele dyaka ve na mosi dyaka. Mu ke kukiyufula kana ya kele na kima yankaka ve.

109 Beto ke tala ti, beto ke kuzwa bantu ke ndima mafunda makumi tatu na basabala sambanu, mpe basabala sambanu na ntwala beto kele dyaka na mosi ve. Ya kele na kima mosi ke tambula mbote ve kisika mosi. Ya kele kieleka. Mpe ya kele nyonso kungenga, kimpa. Yinza, na nzila ya televisyo, na nzila ya ladyo, na nzila ya sinema, mpe banzila nyonso yina kele kuna, me bebisa yinsi yayi na buzoba ya Hollywood. Ya kele kieleka. Bima nyonso zola kuvwanda na kungenga ya nene. Ya kele kieleka ve? Beno zaba ti ya kele kieleka. Beto kele dyaka ve na nsambulu ya mutindu ya ntama yina beto vwanda kuzwa bamvula me luta. Ya kele samu ba me bika yawu. Beto ke kuma na yawu, kaka na mwa ntangu fyoti, beno ke mona.

110 Kasi, wapi kizizi ya kitoko, to kiziziz ya kubenda meso. Mpe awa me kwiza Josaphat yayi, me tuba, “Yinga, mu me mona bawu nyonso. Bawu kele, mosi na mosi, kele na ba-diplome ya bawu,” mpe nyonso yina ya vwandaka. “Bawu nyonso zola kuvwanda baprofete, to milongi ya nene. Bawu me basika na balukolo ya nene mingi. Mpe bawu nyonso kele yayi. Bawu me basika na lukolo ya nene ya baprofete, mpe nyonso yina. Bawu nyonso kele na kiwisa mosi. Ya kele kieleka. Kasi ya kele dyaka na mosi ve?”

111 “Mbote, yinki nge ke sosa na mosi dyaka, na ntangu nkama yiya me pesa muswa na mbala mosi?”

112 Kasi muntu yina, kuna na kati ya ntima ya yandi, vwandaka na Nzambi. Mpe yandi zabaka ti kima mosi vwandaka tambula mbote ve na yawu. Yinga, tata. Yandi zabaka ti ya vwandaka na kima mosi ya kupola. Samu na yinki? Beno bika mu pesa beno. . . Masonuku ke tanguna yawu ve, kasi beno tala yina mu ke bakula. Mu zaba ti—ti Josaphat zabaka ti muntu ya luvunu yina kuna, Achab, ti yandi vwandaka ve ya kulunga na ntwala ya Nzambi. Mpe Elie pesaka profesu ya Ndinga ya Nzambi samu na yandi. Mpe wapi mutindu Nzambi lendaka sakumuna yina Yandi singaka? Amen.

113 Mu ke tuba kima mutindu mosi bubu yayi, nkundi. Mpe Dibuundu ya Nzambi ya moyo, yina kele ya kutelama kieleka na Nzambi, ke tuba kima mosi. Beno lenda ve kuvukisa mafuta mpe maza kintwadi mpe kubokila yawu mpulusu. Beno lenda ve. Beno fwana kukabuka beno mosi, mpangi. Kima fwana kusalama. Kana ya kele na kivuvu mosi me bikana, beto fwana sala kima mosi, mpe kusala yawu na nswalu; samu ti, ngunga ya Enlevement me kuma pene-pene.

114 Bima ke na kubaka nzutu, bima nyonso, mpe dibuundu me kwenda ntama mingi. Bawu ke tanga mitindu nyonso ya bamagazine, ya masolo, mpe nyonso. Mu lenda kwenda bubu yayi na . . . Mu lenda kwenda na dibuundu mosi, mpe mu lenda tuba, “Oh, bantu yikwa zaba . . .” Bawu zaba bankunga nyonso, na manima ya mosi ya ba-reveil ya nene yayi. “Ntangu yayi, wapi—wapi paze nkunga yayi-yayi kele?” Bawu zaba yawu. Ba me zaba nani ya kele. Ba zaba nani ke vwanda Ntwadisi ya yinsi, mpe nani ke vwanda *yayi*, mpe bantu yikwa ya sinema me kwelana, *yayi* mpe *yina*, na *yankaka*. Kasi, bawu zaba kima mosi ve, Ndinga ya Nzambi. Yawu yina. Na yawu beto ke pesa bawu gla- . . . Mpe, dyaka, bawu ke tuba ti bawu kele Baklisto.

115 Mpe bantu kele ve ya kusemba. Ya kele na manima ya estrade, kisika ya ke katukaka. Ya kieleka. Ya ke katuka na manima ya estrade. Ba ke longa bawu mitindu nyonso ya kusika, mpe mitindu nyonso ya *yayi* mpe ya *yina*, mpe ba-organisation, mpe mutindu ya kusala bankonga ya bantwenya, mpe nyonso mutindu yina. Mu ke kukiyufula kana ya me futaka. Mu kele na dyambu ve na yawu, kasi mu ke kukiyufula kana ya kele ndombolo ya Nzambi.

116 Ntangu, Yesu tubaka, “Kana ti muntu kubutama na maza mpe Mpeve, yandi ke kota ve na Kimfumu. Yandi yina ke la- . . . ke landa Munu, ti yandi kukimanga yandi mosi, mpe byese ya yandi ya yinza, yandi baka kulunsi ya yandi, mpe yandi landa Munu.” *Kulunsi* kele kidimbu ya “lufwa, ngambu.” “Yandi yina ke vwanda Muklisto, ti yandi kukikatula yandi mosi mabanza ya yandi mosi. Ti yandi kukikatuka na bisalu ya yandi mosi. Ti yandi kukikatuka yandi mosi na nyonso, na kumangaka yandi mosi, mpe kubaka kulunsi yina ya busantu, mpe kulanda Munu konso kilumbu. Yandi yina ke landa Munu, ti yandi sala yawu.” Ya kele yina Yesu tubaka.

117 Kasi, bubu yayi, beto ke tuba, “Ti muntu nyonso kuzwa ntangu mosi ya nene. Ti muntu nyonso bula maboko ya bawu. Ti muntu nyonso looka, ‘Alelluia!’ Ti muntu nyonso sala *yayi*.” Oh, mutindu beto kele na kikunku ya mambu! Amen. Nzambi. . . . Beto ke basisa minkunga ya malu-malu yayi mpe ke yimba yawu na nswalu nyonso, mutindu ti beto ke luta na kibaka na yawu, to kima mutindu yina.

¹¹⁸ Ntangu, mu ke banza, kana beto zolaka yimba *Pene-pene, Ya Nge, Nzambi Ya Munu*, zolaka vwanda mingi mbote samu na Dibuundu; minkunga ya mutindu ya ntama.

¹¹⁹ Beto ke kuzwa bantu ya ba-orchestre ya mabina, mwana mosi ya bakala ya orchestre ya mabina awa ke bula, mazono na nkokila, mpe na nkokila yayi awa ke na kubula na dibuundu ya Nzambi ya moyo? Ya kele ya kulutula yimbi na meso ya Nzambi. Ti muntu yina kutezama, ntete, mpe ti yandi kubasisa mbuma, ti me luta na kubalula ntima, samu na kulakisa ti yandi kele ya kulunga na ntuala ya Nzambi.

¹²⁰ Ba ke nata yinza ya jazz mbala mosi na estrade. Ba ke nata Hollywood, kulonga ya kungenga, mbala mosi na estrade.

¹²¹ Na yina, mu vwandaka ve na mbanza ya beno ya kitoko, basabala fyoti me luta, na Louisville, na Kentucky? Ntima ya munu kubukanaka, ntangu bawu nyonso vwandaka kuna, vwandaka zola kumona bimangu ya Nzambi; mpe na ntangu kaka beno ke longi Nsangu ya mbote, ba ke fuluka, na sekonde mosi, mpe ke balula mikongo ya bawu mpe ke basika na yinzo. Ya kieleka. Bawu zola Yawu ve. Bantima ya bawu kele ngolo. Bawu ke basika; mpe mingi ya bawu, ba-Protestant, mpe, bayina ke kwendaka na mabuundu ya ba-Protestant. Kasi ba me fulusa bawu. . . me fuluka mingi na kungenga mpe nyonso ya mutindu yina, ya buzoba mpe ya mitindu ya mabuundu, ti bawu ke zaba kima mosi ve na yina me tala Mpeve ya Nzambi ya moyo. “Bawu ke talisa mutindu ya kinzambi, mpe ke manga Ngolo ya yawu.”

Yina kilumbu beto ke na kuzingila. Beno tala mbote kisika ya ke na kuvwanda.

¹²² Josaphat tubaka, “Mu zaba, Achab. Ya kele milongi nkama yiya ya nge. Bawu nyonso ke na kutalana bantu ya mbote, mosi na mosi ya bawu ya kulwata mbote mpe nsuki ya bawu ya kusana mbote, mpe nyonso yina, nyonso yina ba lendaka vwanda. Ba lendaka vwanda na ba-Doctorat ya bawu ya Philosophie. Ba lendaka vwanda na ba-diplome ya bawu nyonso ya mutindu na mutindu. Ba lendaka zaba Masonuku, kubanda A na Z. Kasi nge kele dyaka ve na mosi, kisika mosi? Ya kele kaka dyaka ve na mosi, kisika mosi?”

¹²³ Yandi tubaka, “Yinga, ya kele na mosi dyaka, kasi mu ke yinaka yandi.” Yawu yayi. Yawu yayi. “Mu ke yinaka yandi.” Beno bambuka moyo, Achab vwandaka muntu ya nsambulu, mpe bayayi vwandaka milongisi ya nsambulu, kasi bawu vwandaka yina muntu yayi yina vwandaka na Kieleka. Yandi tubaka, “Mu ke yinaka yandi.” Yandi tubaka, “Yandi ntangu nyonso ke bokaka dyambu samu na kutelemina.” Wapi mutindu yandi lendaka bika na kusala yawu, na ntangu Ndinga ya Nzambi me bedisa yandi?

¹²⁴ Wapi mutindu beno lenda vwanda swi kana beno kele bakala ya Nzambi, to kento ya Nzambi, mpe beno zaba mpe beno ke na

kumona disumu mpe nyonso, kubwelama mpe kukuma kilo, mpe nyonso mutindu yina; mpe kumona myoyo ya bantu ke kwenda na difelo; bantu mafuku na kilumbu mosi; mpe kuvwanda swi? Beno lenda ve kusala yawu.

Muntu mosi tubaka na munu kilumbu yankaka yina, yandi tubaka, “Nge banza ti nge lenda sukisa yawu?”

¹²⁵ Mu tubaka, “Ve. Mu lenda sukisa yawu ve, samu ti Nzambi tubaka. Kasi kilumbu, na ntwala ya Kiti ya Lufundusu, ba ke basisa kitala-tala ya nene, ke namisa kamera kuna, mpe bande yina ke bula. Mpe mu ke telama mpe ke kuwa yawu; mu zola kuwa ndinga ya munu kukebisa bantu na yawu. Nzambi ke fundisa munu na ntangu ndinga ya munu ke telemina yawu.” Yinga, tata. Ntangu beto ke mona luzingu yayi, nsungi yayi, kuluta dyaka na ntwala ya beto kuna na lufundusu. Ya kieleka. Beto ke na kuzinga na ntangu mosi ya boma. Mpe yawu yina.

Mpe beto ke mona yandi kusala . . . yandi tubaka, “Ya kele dyaka ve na mosi?”

¹²⁶ Yandi tubaka, “Yinga, kasi mu ke yinaka yandi, samu ti yandi ntangu nyonso ke pesaka profesi ya yimbi na zulu ya munu.”

¹²⁷ Wapi mutindu yandi lendaka bika na kulonga mambu yina ya ngolo, ntangu yandi ke mona yawu kusalama? Beno me mona Achab vwandaka zinga mutindu yandi vwandaka mpe vwandaka sala mutindu yandi vwandaka, mpe vwandaka nata bantu mutindu bawu kele.

¹²⁸ Wapi mutindu bakala ya Nzambi, to kento ya Nzambi, lendaka bika kuboka mpe kusemba disumu lweka nyonso? Na ntangu, bawu ke mona milongi yayi ya tiya ve madidi ve, mpe bantu yina ke ngengisa dyambu, mpe milongisi, mpe nyonso ya mutindu yina, yina ke bika bantu kukwenda na difelo, mafuku, na yisi ya luvunu; bantu mingi ya . . . ata mpe na kati ya bantu ya busantu. Mu ke na kuzonzila mingi ve na yina me tala ba-Méthodiste mpe ba-Baptiste, mpe bima mutindu yina; bawu kele na yawu, mpe. Kasi ya kele kaka na kati ya milonga ya beno.

¹²⁹ Oh, ke kwiza na estrade, mutindu kima nyonso yankaka kasi Baklisto, ke zinga mutindu nyonso yankaka, na kutambulaka na bayinsi mpe nyonso, mpe ba ke bokila yawu “nsambulu.” Ya kele nsambulu, kasi ya kele ntama mingi na mpulusu ya Mfumu. Ya kele kieleka. Ba me nata kaka bantu na nkonga mosi kaka ya nene ya bantu ya kilengi. Na manima ntangu mwa kilengi yina ke mana, kuna, kima ya ntete beno zaba, beno lenda ve kuzwa mosi ya bawu; dibuundu ke kuma ya mpamba. Mpangi, kana muntu ke zolaka Nzambi, yandi ke fulusa kiti ya yandi na kati ya dibuundu, ntangu nyonso. Yandi lenda ve kuvwanda ntama na yawu. Ya kele kieleka.

130 Ntangu yayi beno tala, kaka minuti fyoti. Mu ke meka na kusala mbangu, na kukuma mbala mosi na dibanza, samu ti ntangu ya munu ke na kukwenda.

Beno tala, na yina yandi tubaka, “Ya kele dyaka ve na mosi kuna?”

131 Yandi tubaka, “Yinga, kasi mu ke yinaka yandi. Yandi ke pesaka ntangu nyonso profesi ya yimbi na zulu ya munu. Yandi ke tubaka mambu ya yimbi na zulu ya munu.”

“Mbote mingi,” yandi tubaka, “kwenda sosa yandi.”

Yandi tubaka, “Nkumbu ya yandi kele Michée.”

132 Kasi muntu yayi vwandaka na nsambulu mingi na kuzaba ti bantu yayi vwandaka kieleka ve.

133 Mpe muntu nyonso yina me simbamaka ntete, ata fyoti, na Mpeve ya Nzambi, zaba ti bima yayi, yina ba ke bokilaka Buklisto bubu yayi, kele kieleka ve. “Beno lenda ve kuzola yinza, to bima ya yinza. Kana beno sala, luzolo ya Nzambi kele ve na kati ya beno.” Biblia me tuba mutindu yina.

Ntangu yayi beno tala. Yandi tubaka, “Kwenda sosa yandi.” Mpe bawu kwendaka kuna.

134 Mpe kuna yandi fidisaka mwa munati nsangu mosi ya ntama, diakre ya dibuundu, mu banza, to muntu mosi, yandi kwendaka kuna mpe tubaka, “Ntangu yayi tala, Michée, beto ke nata nge awa na ntwala ya Achab mpe Josaphat. Ntangu yayi, bawu zole kele ya kuvwanda kuna, mpe bawu kele bantu ya nene ntangu yayi. Bawu kele milongisi mpe bawu kele bantu ya mayela mingi. Mpe bawu kele na diplome ya bawu, mpe nyonso yina. Mpe mosi na mosi ya ba-seminere ya beto, mosi na mosi ya mabuundu ya beto awa, kele na kiwisa ya kulunga ti yayi kele luzolo ya Mfumu. Ntangu yayi, nge tuba kima mutindu mosi bawu me tuba, mpe, mu ke tuba na nge, nge ke lwata mbote mpe ke tambula na ditoma Cadillac. Mu ke tuba na nge, nge ke vwanda kaka muntu ya nene kana nge sala yawu. Yinga, tata. Nge ke kwenda na ntwala.”

135 Michée tubaka, “Mutindu Mfumu Nzambi ke zinga, mu ke tuba kaka yina Nzambi ke tuba.” Amen. Yinga. Oh, beno tala muntu landila ntima ya munu. “Mu lendaka kudya dimpa mpe maza,” yina yandi salaka, “samu na kusala yawu.” Ba lendaka bula yandi na ditama mosi mpe yankaka, nyonso yina yankaka, kasi yandi tubaka Kieleka mpe yandi telemaka na yawu. Nzambi siamisaka yawu na kuvwanda Kieleka. Yandi vwandaka ya kuzabana mingi ve, kasi yandi zabaka Nzambi.

136 Bawu nataka mwa Michée yina ya kiboba kuna. Yandi tubaka, “Mbote mingi, Michée, yinki nge ke tuba samu na yawu?”

137 Yandi tubaka, “Mata. Mata.” Yandi tubaka, “Mata, na ngemba. Kwenda na ntwala, nunga, ya kele yina mu zola ti nge

kusala. Kasi mu me mona Israel mutindu mameme, kukondwa mvungi, na zulu ya mongo, ya kumwangana. Yawu yina,” yandi tubaka.

¹³⁸ Mpe ntangu yandi salaka mutindu yina; mpe Achab kubalukaka na Josaphat, tubaka, “Yinki mu vwanda me tuba na nge? Exalté yina . . .” to, yinki, beno lemvokila munu, to, nyonso yina ya vwandaka; muntu yina tubaka, “Ti . . . Yinki mu vwanda me tuba na nge? Muntu yina ke pesa kaka profesi ya yimbi—ya yimbi na zulu ya munu. Yinki mu ke tuba? ‘Yandi ke bedisa kaka dibuundu ya beto, mpe ke bedisa milongi ya beto, mpe ke bedisa mutindu ya beto ya nsambulu.’ Yinki mu vwanda me tuba na nge? Yandi zolaka tuba yawu. Mu zaba yandi. Mu zabaka papa ya yandi na ntwala ya yandi.” Amen. “Mu zabaka papa ya yandi na ntwala ya yandi.” Uh-huh, yinga, tata, muntu ya kieleka ya Nzambi. Yandi tubaka, “Mu zabaka ti yandi ke tuba yawu.”

¹³⁹ Mpe na yina yandi tubaka, “Yinga,” yandi tubaka, “Mu monaka Israel mutindu mameme, ya kumwangana, kukondwa mvungi, na zulu ya mongo.” Mpe na yawu yina yandi tubaka, “Mu tu- . . .”

¹⁴⁰ Mpe kuna mosi ya bantu yina vwandaka na mampoka ya nene, yina zolaka vwanda samu na kuvutula manima. Mulongi mosi me belama mpe me benda mwa Michée yina, mpe me pesa yandi mbata na yinwa na ngolo nyonso mutindu yandi lendaka, tubaka, “Wapi nzila Mpeve ya Nzambi me kwenda ntangu Yawu me basika na munu? Kana nge zaba.”

¹⁴¹ Yandi tubaka, yandi tubaka, “Vingila tii ntangu nge ke vwanda na boloko awa, mpe nge ke zaba wapi nzila Yawu me kwenda.” Ya kele kieleka.

¹⁴² Beno vingila tii Russie ke vwanda awa, ke baka bayinsi mpe bima ya mutindu yina, mpe yinsi yayi, samu na kuvutuka manima ya yandi, mpe beno ke mona yina vwandaka mbote mpe yimbi. Ya kele kieleka. Beno ke mona kana nsambulu ya beno ya tiya ve madidi ve ke futa, to ve.

¹⁴³ Ti yinsi yayi kukwiza na kudila, kukwiza ve na kuseka mpe kusala kimpa. Ti yinsi yayi kukwiza kufukama, na kubalula ntima. Yawu yina beto kele na yawu nsatu. Ya kele ve reveil samu na kuzwa bantu mingi na dibuundu. Beto kele na nsatu ya kukanga depo nyonso ya malafu, kusukisa na kunwa nyonso ya tabaka, kumwangisa bakompani. Kubanda lukutakanu ya kieleka, ya ntama, ya Mpeve-Santu; kisika babakala mpe bakento, kilumbu mpe mpimpa, ke lala na kizizi ya bawu, na kudilaka. Mu ke tuba na beno, ya ke vwanda kiswamunu ya kulutila nene yina yinsi yayi me kuzwaka ntete ve. Ya kele kieleka.

¹⁴⁴ Ti Branham Tabernacle kubika bulawu ya yawu. Ti yawu vutuka awa na autel mpe kusungama na Nzambi. Kusala ngemba na bamfinangani, mpe nyonso mutindu yina, mpe

kusungama na Nzambi. Beno ke kuzwa dyaka ve mambu mpe kuswana; ya ke vwanda kisika yina ke benda yinza. Ya kele kieleka. Ntangu yayi, ya kele kieleka.

145 Na yina yandi tubaka, “Wapi nzila Mpeve ya Nzambi me basika na munu?”

146 Mpe Michée tubaka, “Mu me mona Nzambi, mpe basoda ya Yandi, kimvuka ya Yandi, ya kuvwanda na Nkembo.”

147 Beno zaba, Nzambi kele na kimvuka na zulu Kuna, ke vukanaka bantangu yankaka. Yandi, Yandi ke bokilaka Bawanzio ya Yandi—ya Yandi mpe ke kuzwa lukutakanu, bantangu yankaka, kuna na Mazulu.

148 Mpe yandi tubaka, “Mu me mona Yandi ya kuvwanda na zulu ya Kiti ya kimfumu, mpe bawuu nyonso vwandaka ya kuvwanda na diboko ya kibakala mpe diboko ya Yandi ya kikento.” Mpe yandi tubaka, “Bawu vwandaka solola, ‘Nani beto lenda fidisa na kukulumuka mpe kuvuna Achab, samu na kubasisa yandi awa mpe samu na kulungisa profesi ya Élie? Nzambi me tuba mutindu yina, yina zolaka salama, na yina beto ke mona kaka nani lenda kulumuka.’

149 “Mpe mpeve ya luvunu me basika na yisi,” ya kieleka, na difelo, “me kwiza na ntwala ya Nzambi mpe me tuba, ‘Mu ke kulumuka, mpe mu ke kota na milongi yina mpe ke nata bawu nyonso na kupesa profesi ya luvunu.’” Oh, yina ningisaka bawu. Yina salaka bawu kuwa mutindu kuseka, ntangu, “Yandi tubaka, ‘Mu ke kulumuka mpe ke nata milongi yina, mosi na mosi ya bawu, na kupesa profesi ya luvunu.’” Mpe yandi kulumukaka mpe kotaka na milongi yina, mpe bawu bandaka na kupesa profesi ya luvunu.

150 Mpe, mpangi, Nzambi mosi yina ke yalaka dyaka na Kiti ya kimfumu yina mosi bubu yayi. Mpe mpeve mosi yina ya luvunu me sala dyambu mutindu mosi bubu yayi, na kupesaka profesi ya luvunu.

151 Bawu vwandaka landila na kutuba, “Ngemba, ngemba, ngemba” na manima ya Mvita ya Ntete ya Yinza.

152 Bika mu lakisa beno kisika yawu me katuka. Na Mvita ya Ntete ya Yinza, na ntangu France, kuna, kupesaka manima na Nzambi, na Busafu ya bawu na Bamvula makumi yivwa, mpe bandaka. . .

153 Ntangu yayi mu ke tubila fyoti na zulu ya bankadulu, na yawu beno nyonso vwanda swi bamuniti fyoti.

154 Beno tala, kuna na manima, na mbandukulu, na France, ya kele kisika mvindu mpe busafu bandaka ntete. Kana ya me vwandaka ntete na kiswamunu ya bantu ya yimbi na yinza, ya kele na Paris, na France. Mpe na kutala mu me zyeta pene ya yinza nyonso, mpe ya kele kisika ya kulutilla yimbi yina mu me monaka ntete. Mpe Londres, na Angleterre kele mingi ya

kukatula ve. Mpe Etats-Unis ke na kukwizaka kaka na nzila na yawu. Ya kele kieleka. Bawu yina kuna.

¹⁵⁵ Ntangu nyonso yina beno ke buka bankadulu ya bukento, beno ke buka mukongo ya yinsi.

¹⁵⁶ Awa beno ke kwenda kuna, na bayinsi ya bawu mosi, mpe beno tuba ti beno kele missionnaire, bawu zola ve. . . Bawu ke tuba, “Yinki beno ke tuba na beto na kusala, mutindu kuyimba minkunga ya mvindu na yina me tala bakento ya beto, to na yina me tala bana ya beto ya bakento? Beno ke tuba na beto mutindu ya kufwa makwela na bakento ya beto? Kulonga beto mutindu ya kunwa wisky mpe kukwenda mutindu beto ke salaka?” Ya kele yina beto kele.

¹⁵⁷ Beto ke kukibokila beto mosi yinsi ya nsambulu, yinsi ya Baklisto. Mbote, bawu “mimpani” na Afrika lendaka longa beto bankadulu, wapi mutindu ya kuzinga. Kisika ya kupola, na Etats-Unis, to, yinza, na kutala, kele yinsi yayi, kisika ya me kuma. Mu kele Americain, ya kieleka. Kasi, mpangi, mu lenda sadisa ve, ntangu na ntuala ya Achab to Josaphat. . . Mpe mu fwana tuba yina Nzambi me tuba kele Kieleka. Ya kele samu na yina dibuundu kele na nsatu ya kutelama, bubu yayi. Kana ya kuma na kisika ya yinsi mpe Nzambi, ya kele Nzambi, ntangu nyonso. Yinga, tata.

¹⁵⁸ Beno tala, na France, bawu bandaka na kupola ya bawu nyonso, mpe landilaka na kuzingaka na mutindu ya bawu kuna. Mpe kuna Nzambi fidisaka Allemagne na kati ya bawu, samu na kubula bawu mwa ntangu fyoti. Na manima beto kwendaka kuna samu na kuvuukisa ya bawu. Mpe kaka na ntangu beto salaka yawu, mpe nungaka mvita, me vutula ba-Allemand, me tula ngemba na France, bawu vutukaka na Nzambi? Ve, tata. Bakento, vinu, busafu, disumu, mpe mvindu tii na makutu.

¹⁵⁹ Na manima yinki bawu salaka? Yinki kusalamaka? Awa kele kisika yandi bandaka. Dyabulu me telemisa kisika ya yandi ya kimfumu kuna. Ya kele kisika yandi bandaka, kaka kuna, na kubebisa bankadulu ya yinza, na Paris, na France.

¹⁶⁰ Mpe, kana beno tala, yandi lendaka ve na kukota awa na nzila ya ministele, na yawu kima yina yandi salaka vwandaka kukota na Hollywood awa. Yandi me telemisa ya yandi Holl-. . . Yandi me telemisa kimfumu ya yandi awa na Hollywood. Dyabulu kubwaka awa, bamvula fyoti me luta, kumi na tanu to makumi zole ya bamvula me luta, na basoda ya yandi ya nene, mpe kwendaka, kotaka na Hollywood, na Californie. Mpe yandi me yala Etats-Unis na bangolo ya yandi ya bampeve ya yimbi. Kieleka. Mode ya beto nyonso ke katukaka na Paris. Ba ke kotisa yawu na Hollywood, samu na kulutisa na bitala-tala. Bana ya bakento yayi ya fyoti mpe bana ya babakala yayi, mpe nyonso yina, ke basika awa, bawu ke kwenda tala ba-filme yina.

161 Bana ya fyoti ya kitoko, bana ya fyoti ya mbote, mu kele na dyambu ve na bawu. Ti Nzambi sakumuna mwa bantima ya bawu. Ntima ya munu ke dila samu na bawu.

162 Mpe kaka awa na mbanza, mu vwanda zonza na ya munu . . . mosi ya . . . mwana ya munu ya bakala, kilumbu yankaka yina. Yandi tubaka, “Papa, kana ya vwandaka kaka na mwa bana ya babakala na ziunga kuna, na kati ya mbanza, yina vwandaka na Mpeve-Santu,” mpe nyonso yina. Beno ke kukiyufula samu na yinki mu vwandaka kwenda na Denver, na Colorado, to na kisika mosi ya mutindu yina? Samu na kunata bana ya munu kisika ya kele na nkonga ya bantu yina ke bokaka na Nzambi; ya kele yina beto kele na yawu nsatu, mpangi.

163 Yinsi yayi, bwala yayi, mbanza yayi, kisika yayi, me kuma mingi na nkadulu ya yimbi ti ya kele mawa. Kana mu lendaka kaka kutuba malu-malu yayi yina ya kieleka mu zaba na kuvwanda kaka kieleka awa, ya ke vwanda mpe ve ya kulunga na kutuba na ntwala ya dibuundu ya bantu nyonso. To, kaka awa na mbanza yayi mosi awa; kaka awa ve, kasi bisika yankaka, bisika nyonso, ya me banda na kukuma kaka . . .

164 Samu na yinki? Bantu . . . Beno tala, bankundi, ya me kuma luvunu mingi. Ya me kota malembe mingi, ti ya me fuka beno kaka. Dyabulu vwanda vwandaka na mode. Ya lendaka vwanda ti yandi me basika ve na mode, kasi yandi me basika ve na kusalu, mu ke tubila beno yawu. Yandi kele dyaka na kusalu.

165 Beno tala, bubu yayi. Beto baka, mutindu mu vwanda me tuba mwa ntangu fyoti me luta, na yina me tala ntwenya ya mama, mwa mwana ya kento ya kukula na rose. Beto baka mutindu, rose, ya kele kitoko mingi; ya kele kuna samu ba tala yawu, ya kele kieleka. Mpe ya kele kaka mutindu dibuundu, yandi kele kuna samu ba tala yandi. Mutindu ntwenya ya kitoko ya kento, yandi kele kuna samu ba tala yandi. Ya kele kieleka. Kasi kana yandi . . . Yandi kele mbote, ya kele, yandi kele samu na bakala ya yandi, yandi—yandi kele nyonso mbote. Kasi kana yandi kele ve na mbele ya nkadulu ya kukangama kuna samu na kukeba yandi, yandi ke kuma kuvwenza na kati ya yinsi mpe na bantu; yandi ke kuluka mingi mpe ke kwamisa mpe ke bola na mutindu ti bayimbwa ke tala yandi ve. Ya kele kieleka.

166 Mpe kima mutindu mosi na Dibundu ya Nzambi ya moyo. Bawu ke basika awa mpe ke meka na kusala bima kungenga mpe kubongama, mpe kusala mutindu . . . Bawu ke katula bilele na bakento ya bawu awa, kaka . . . mpe bantu ke na kubakula ve ti bampeve ya yimbi yayi ke na kuyala bayinzo ya beno.

167 Kaka na ziunga ya yinzo ya munu kilumbu yankaka yina, ntwenya ya mama mosi yina mu banza kele kento ya mbote . . . Mpe yandi kele kento ya kukwela, yandi kele na mwana. Mpe mwa kento yina basikaka kuna. Mu- . . . babakala mosi kwizaka na bala-bala vwandaka sala kusalu mosi, mpe ntwenya ya mama

yayi me basika kuna ya kulwata mwa bilele yina ya ntama ya fyoti, ya vwandaka boma.

¹⁶⁸ Yayi kele dilongi mosi ya boma na Kilumbu ya Bamama. Kasi, mpangi ya munu, bika mu tuba na beno kima mosi. Bamama, beno vutuka mbala mosi dyaka na kuvwanda bamama!

¹⁶⁹ Mpe mwana mosi ya fyoti ya bakala yina vwandaka tambula na ziunga ya balupangu ya beto, kotaka mpe tubilaka beto na yawu, “Beno tala na ngaanda kuna.”

Mu tubaka, “Mbote, yina kele kima ve.”

¹⁷⁰ Kento yina kele kento ya mbote. Mu ke tuba ve ti yandi kele na nkadulu ya yimbi. Kasi, dyambu ya yawu kele ti, ya kele na mpeve ya yimbi, ya busafu na zulu ya yandi, yina ke na kusalaka yandi kusala mutindu yina, mpe yandi zaba yawu ve.

¹⁷¹ Na yinki na yinza mama ke zola, to muntu nyonso, na kulwata mwa bilele yina ya ntama ya mvindu, mpe kutandama bawu mosi na ngaanda na ntwala ya babakala? Beno kele kitoko, mpangi ya kento. Beno kele kitoko, mama. Mu ke tonda Nzambi samu na beno. Kasi, beno kele kitoko, kasi kana beno kele na Mpeve-Santu ve kuna samu na kukeba bankadulu yina, ya zolaka vwanda mbote ti beno vwanda yimbi mingi ti muntu ve zolaka tala beno, mpe beno zolaka kwenda na Mazulu. Ya kele kieleka. Ya kele kieleka. Beno tala mbote yina beno ke na kusalaka; bankadulu yina.

¹⁷² Ntangu yayi, yinki ya kele, dyabulu me kota mpe yandi me tuba na bantu bima yayi. Yandi me kota na milongi; yandi ke na kubaka kifwani na manima ya Hollywood. Bana ya bakento mpe bamama yayi ya bantwenya, bawu ke na kubaka kifwani na manima ya Hollywood. Bima ya kulutula mbote yina bawu kele na yawu na yinsi bubu yayi, bima ya kulutula kukondwa nkadulu beno lenda kuwa, kele ya kuzonzila; na banzonzolo nyonso ya ladyo.

¹⁷³ Mama mosi ya kukula mutindu Mama Kay Starr, mu kele na dyambu ve na yandi; kasi na kumona mama ya kukula, ya bamvula makumi tanu, mpe nyonso, na bilele ya yandi nyonso ya kumata na zulu ya yandi, mutindu ti ba vwanda me kotisa yandi na saki ya madya. Mu ke tuba yawu ve samu na kusakana, samu ti mu ke na kuzonzila na kuteleminaka bima yina. Kasi kento ke sala mutindu yina, mpe ke telema kuna mpe ke vwanda kifwani mosi samu na bantwenya ya bakento ya Amerika, ya kele kuvwenza samu na yinsi ya beto. Ya kele dyabulu.

¹⁷⁴ Bantu mutindu Arthur Godfrey mpe bayankaka yina beto ke talaka na ziunga awa, kusala bima yina bawu ke salaka, mpe bantu ya kulutula kuzabana na yinsi mutindu yina, mpe, na yina, ya kele nsoni.

175 Aleluya! Mu me tuba yawu samu mu me kuwa Mpeve-Santu kele awa. Kuyala me banda, ya ke na kumwangana yinzo na yinzo yankaka, kisika na kisika yankaka, dibuundu na dibundu yankaka, muntu na muntu yankaka.

176 Bana, na Nkumbu ya Yesu Klisto, beno telama na ntelamanu ya nkadulu ya reveil mpe ya Mfumu Yesu Klisto, mpe beno tuba, “Mu ke baka nzila na bantu fyoti ya Mfumu yina ba me manga.” Yinga, tata. “Mu ke vwanda mama ya kieleka.” “Mu ke vwanda papa ya kieleka.”

Ntangu yinza ya muvimba, mpe nyonso na ziunga, nyonso pene ya moyo ya munu ke kubwa,
Na yina Yandi kele kivuvu nyonso mpe lusalusu ya munu.

Samu ti na zulu ya Klisto, Ditadi ya ngolo, mu me telama;
Bisika nyonso yankaka kele zyelo ke dyamisaka,
Bisika nyonso yankaka . . .

177 Yinki me sala kima nyonso yayi? Yinki me sala milongi kusala mutindu yayi? Yinki me sala milongi kupesa profesi ya luvunu yayi na bantu?

178 Samu na yinki, bamvula me luta, ti beno ba-Methodiste . . . Ntangu ba nataka kiboba John Smith na chaire ya yandi, samu na kulonga Nsangu ya mbote, mpe yandi longaka dilongi mosi ya nkufi ya banganga yiya. Mpe yandi tubaka, “Dyambu ya yawu kele, ti ntima ya munu me bukana.” Yandi tubaka, “Bana ya bakento ya ba-Methodiste ke na kulwataka mpe babaki na misapi ya bawu.”

179 Mpe, bubu yayi, bawu kele ya kulwata bakupe mpe bilele ya fyoti ya ntama ya mvindu. Mpe ba ke vwanda na mutindu ya kulunga bimpene, na kutala na bamvula tanu dyaka, kana kima salama ve. Yinki me salama na beno milongi ya ba-Methodiste, na beno ba-Campbellite, na beno ba-Baptiste? Yinga, tata. Ya kele dyabulu, me losa na yisi bangolo ya yandi, mpe yandi kele na bampeve ya yandi ya fyoti na ngaanda awa.

180 Mpe beno ke bakula yawu ve, na kunwaka makaya, beno bakento, mpe beno ke sala mutindu beno ke sala kuna na ngaanda, mpe ke kunwa mpe ke landila mutindu beno ke na kusalaka. Beno ke bakula ve ti beno ke na kubebisaka sysiteme ya beno, mpe ke na kubebisaka nsungi ya muvimba yina ke landa beno, kana ya kele na kima ya mutindu yina. Makumi nana na tanu na zulu ya nkama kulutila ya siansi na kuzwa cancer, na kunwaka tabaka, mpe beno ke kota kaka kuna mpamba. Mpe mabuundu ke ndima yawu.

181 Na dibuundu mosi ya nene ya ba-Baptiste, kaka awa, ntama mingi ve . . . Mu ke na bula na zulu ba-Baptiste. Mu kele na

muswa na yawu; bawu ke kwenda na mutindu na lweka yina mu me katuka. Kasi ntangu bawu zolaka baka mwa ngunga ya kupemisa na kati-kati ya lukutakanu ya lukolo ya Lumingu na lukutakanu ya kulonga, samu ti pasteur mpe bawu nyonso lendaka basika mpe kunwa makaya, mpe babakala mpe bakento vwandaka na ndonga vwanda kunwa makaya. Dyabulu me sala mutindu yawu. Ya kele kieleka.

¹⁸² Na yina, awa na mbanza ya beto mosi, mosi ya milongi ya beto ya kulutila nene, kaka awa na New Albany, na park yayi, yina mosi ya miongi ya beto ya nene ya mbanza ke na kutwadisaka ploglame ya mabina ya quadrille, kunata babakala mpe bakento na zulu ya estrade.

¹⁸³ Mu ke kipe yina yinza ke tuba, mu ke kipe ve mutindu beno ke meka na kubongisa yawu; mpangi, ya kele ve na bakala yina kele na menga na nzutu yina ke benda kento ya bakala yankaka, mpe kuwa kima ve. Beno zaba ti ya kele kieleka.

¹⁸⁴ Ba me baka bakento ya beto, mpe me katula bawu bilele; kuna na babilo, mpe kunata bataxi, mpe kumata mpe kukulumuka bala-bala. Kisika, bawu zolaka vwanda na yinzo, na manima ya kwisiniene, na kulamba, mpe kukubika madya.

¹⁸⁵ Yinki ya kele? Ya kele dyabulu. Kuyala me banda. Mu ke na kutubaka ve kima na zulu muntu *yayi* to muntu *yina*. Mu ke na kutubaka ti ya kele bampeve ya yimbi yina ke na kuyala bantu, yina ke na kutwadisaka bawu mbala mosi na kati ya yawu. Ba me yala États-Unis.

¹⁸⁶ Kubwa ya dibuundu. Dyabulu me bwisa dibuundu. Kuna . . .

¹⁸⁷ Ba ke nata mwana ya bakala ntangu yayi, ntangu yandi ke kwiza na seminere, kima ya ntete yandi fwana longuka kele kuzwa ba-diplome ya yandi. Yandi fwana longoka psychologie. Yandi fwana longoka theologie. Yandi fwana kulonga, kukotisa mutindu nyonso ya bima ya malongi na kati ya yandi. Kana yandi kuzwa ve ndongosolo ya kieleka ya mbote, kana yandi kele kizoba mpe ti kele na mayela mingi ve mutindu yandi zolaka vwanda, kuna bawu ke basisa yandi; yandi ke nungisa ve misiku. Yinki yandi ke sala? Ke basika awa mpe ke sala mwa nzonzolo ya politiki, mutindu ti ya vwandaka, nzonzolo mosi ya dibuundu ya politiki, na nkonga ya bantu, na nkonga ya babakala mpe bakento ke na kufwa.

¹⁸⁸ O Nzambi, fidisa beto mwa bantu ya ba-sassafras, ya mutindu ya ntama yina zaba ve A na B, bayina zaba ngolo ya mvumbukulu ya Mfumu Yesu Klisto, bayina ke longa kubalula ntima, mpe ke fidisa babakala mpe bakento na autel, samu na kuzola Mfumu Yesu. [Kisika ya mpamba na bande—Mu.]

¹⁸⁹ Ya kele kuvwenza. Yandi me yala baseminere. Yandi me yala mabuundu. Yandi me katula bilele na bakento ya beto. Yandi me nata babakala ya beto na kisika yina beno lenda ve kutuba na bawu kima mosi. Mpe babakala mpe bakento, mu banza . . .

190 Beno ke tuba, “Mbote, bakento.” yinga, mpe beno babakala yina ke pesa muswa na bakento ya beno na kusala yawu, yina ke lakisa na yina beno kele ya kusala. Ya kele kaka kieleka. Ya kieleka. Ya kele nsoni. Ya kele mawa.

191 Mpe kuna beto baka mulongi. Mulongi ke telama na estrade, bubu yayi, na chaire ya bilumbu yayi. Yandi ke telama kuna, na bantu ya yandi na ntuala ya yandi, mpe ke longa pene ya bima nyonso ya fyoti ya ntama na yinza ke bika na lweka kubalula ntima mpe disumu, mpe kulunsi ya ngolo ya Klisto. Yinga.

192 Ntangu beno ke tanda mambu kuna; bantu ke kwiza kuwa beno, na lukutakanu ya kumwangisa nsangu. Beno ke meka na kukuma na kima mosi mpe kulonga Nsangu ya mbote, mpe kunata bantu na kubalula ntima mpe kunata bawu na kusungama. Bawu ke mata mpe ke basika, bawu, “Lenda to ve kuwa Yawu.” Ve, bawu lenda ve. Kasi, bankundi, bawu fwana balula ntima to kufwa.

193 Bampeve ya yimbi! Beno ke kwenda na lukolo; yandi me yala na balukolo. Beno tala bisika nyonso, na yinsi bubu yayi. Beno tala awa, beno bantu, beno ba-Protestant. Beno tala, ya kele na balukolo yiya ya nene ya Katolika mpe nyonso, yina ba me tunga bubu yayi. Samu na yinki ya kele? Beno ke na kubwisa bikaku.

194 Mu kele na dyambu ve na Katolisisme, ata ti mu ke kwikilaka na yawu ve. Mu kele Protestant mosi ya ngolo. Ya kele kaka kieleka. Mu lenda siamisa ti bawu ke ve. . . Beno lenda solula na bawu ve. Bawu ke tuba, “Beto ke tala ve na yina Biblia ke tuba. Beto zaba yina dibuundu ke tuba.”

195 Nzambi kele na kati ya Ndinga ya Yandi. *Yayi* kele kisika Nzambi kele.

196 Kasi bayankaka ya Bakatolika, ya kukwikama na dibuundu ya bawu, ke talisa beno nsoni, mutindu Protestant. Kana beno lendaka kwikama kaka na Biblia, mutindu bawu kele ya kukwika na dibuundu ya bawu. Kieleka. Kasi, bawu kele na foti. Mu lenda tuba yawu na yisi ya lutumu ya Nzambi ya Ngolo nyonso, ti, bawu kele na foti. Ya kieleka.

197 Mpe beno ba-Protestant kele na foti, na mutindu beno ke na kusalaka, samu ti beno zaba ya kulutula mbote, mpe beno sala yawu. Yina ke sala beno muntu ya luvunu. Ya kieleka, ya kele kuyala; mabuundu ke kubwisisa. Mpe ntangu yayi na kisika ya. . .

198 Dibundu, ke na kumeka na kusala dibuundu kitoko, kutunga dibuundu ya nene, kutula bansongi ya nene na zulu ya yawu, kuzwa ba-orgue ya nene, mpe kuzwa nyonso na kumeka na kufwanakana mutindu dibuundu ya Katolika. Beno zola ve kufwanaka mutindu dibuundu ya Katolika, kana yandi kele ya kubedisa na kufwa. Samu, yina kele MUTINDU ME TUBA MFUMU, yandi kele ya kubedisa na kufwa. Mpe beno ke na kufwanakana na yandi, beno ke na kukwenda na yandi.

¹⁹⁹ Kasi yina beto kele na yawu nsatu bubu yayi, kele ve dibuundu ya nene, nsongi ya nene, ya kele autel ya mutindu ya ntama kisika ba ke yokaka masumu, na yisi ya bisambu ya busantu ya babakala mpe bakento yina ke zolaka Mfumu Yesu Klisto. Beno zaba yawu. Yawu yina beto kele na yawu nsatu. Beno kuwa munu, bankundi. Beno kuwa munu. Ya kele zola.

²⁰⁰ Ntangu ya munu me kwenda. Mu zolaka vwanda kaka na zulu ya yawu, kisika, kaka, mu ke baka yawu, kaka ntangu fyoti na ntuala, kuyala yina, tii kisika ya me kwenda. Ya me kuyala. Ya me kuyala bayinsi ya beto. Ya me kuyala États-Unis.

²⁰¹ Ntangu yayi beno bambuka moyo, ata mbala mosi ve ti mu me salaka voti na luzingu ya munu; beno me mona, ntangu yayi, ya kele kima mosi ve ya kupesa lukumu; yina kele muswa ya munu ya bukuluntu ya muntu ya Amerika kana mu zola kusala yawu. Kasi mu ke banza mingi na bankundi ya munu, samu na kukotisa bawu na kati kuna. Beno tala, mu monaka bawu kukota kuna mutindu bantu ya mbote, kubasika mutindu babandi, mpe mu zola yawu ve.

²⁰² Mu kele na kima mosi. Mu kele awa ke na kutungaka kisika samu na Muntu mosi Yina kele Kandida, mpe ya kele Yesu Klisto, mpe Yandi kaka. Mu ke pesa ntangu ya munu samu na Yandi. Ya kele kieleka. Mpe kana mu lenda sungika dibuundu, bayankaka na yinza ke landa bawu mosi. Ya kele kieleka.

²⁰³ Kasi beno bika mu tuba na beno, ntangu Tata Roosevelt. . . Muntu yayi me kufwa. Ti yandi kupema; mu ke na kivuvu ti yandi ke na kupema. Yandi me kota, mpe me twadisa bambala tatu to yiya, mpe me baka ntwadusulu, kaka mbandukulu ya kuyala. Mu lenda lakisa beno yawu, na Masonuku, kisika Yawu ke tuba ti ya ke salama. Ya kele kieleka. Beto kele dyaka ve na konsititisiyo. Ya kele ya kubeba na bitini-bitini. Ba ke yidika nyonso na bumpamba. Ba-Républicain kele kaka yimbi. Ya kele sambanu ya mosi, mpe ndambu ya kumi na zole ya mosi yankaka.

²⁰⁴ Samu, ba ke mwangisa konso kimfumu, kasi Kimfumu ya Yesu Klisto ke telama mpe ke yala ntangu nyonso. Ya kele kieleka. Na zulu. . . Daniel monaka Ditadi me katuka na miongo, mpe me bula yinza ya politiki kuna mpe kumwangisa yawu na kukumisaka yawu putulu mutindu yina, mutindu ble na kisika ya kubula na ete. Kasi Ditadi yina me kula na mongo ya nene yina me tandama na mazu- . . . me fulusa mazulu ya muvimba na ntoto. Yawu yina.

²⁰⁵ Yinza ya politiki me kwenda. Yinsi ya beto me beba. Beno ke bambuka moyo na yawu, ti Mpangi Branham tubaka yawu, MUTINDU ME TUBA MFUMU. Yinsi ya beto me beba. Ya ke telama dyaka ve. Ya yandi yimeni, mutindu bayinsi nyonso yankaka. Ya kele yinsi ya kulutila nene na yinza, yina kele ya kutelama bubu yayi, kasi ya kele nkuna ya kieleka ya diabulu yina ba me tula na kati ya bantima ya bantu; mutindu ya

kotaka na Hollywood, mutindu ya kotaka na kati ya bantu, mpe bandaka na *yayi*. Mpe beno lenda tuba na bawu kima mosi ve.

²⁰⁶ Beno kuzwa Ntwadisi ya yinsi kuna yina ke meka na kukanga bakompani ya whisky, ntangu yayi mpe kuzwa muswa, beno mona yina ke salama. Ba ke kufwa yandi na munduki, na bangunga zole na manima yandi me kota kuna. Kieleka, yandi ke lenda ve yawu; yinza ya muvimba ke telemina yandi. Yinga, tata. Beno lenda ve kusala yawu.

²⁰⁷ Ya yandi yimeni. Ba me yala yandi, mpe mpeve ya communisme me baka kisika.

²⁰⁸ Beno kwenda na balukolo ya beto bubu yayi, beno tala bana ya beto ya lukolo. Bana ya beto ya fioti yina ke kwendaka na lukolo, beno fwana zaba kaka yina ke na kusalamaka. Bana ya bakento ya fioti awa na balukolo, mpe bima ya mutindu yina, na bamvula kumi na yiya mpe ya kumi na tanu, mama ya bawu ke tinda bawu na lukolo, bankadulu me beba, na mbanzulu, ya kukipesa na diamba, ya kulawuka na diamba, bantu ke kunwa makaya, nionso yankaka mutindu yina; na mwa mvula ya fioti, bana ya fioti mutindu yina. Ya ke vwanda mpasi na kumona mwense mosi na kati ya bawu mutindu ya ke vwanda na kuzwa ntunga na kati ya kikunku ya matiti, ntangu bawu ke basika na bana ya babakala na bivunga, mpe ke tandama na simu ya nzadi mpe bisika nyonso yankaka.

²⁰⁹ Mpe mu lenda lakisa yawu na beno, bankundi ya munu. Mu zolaka tuba yawu na chaire ve kana ti mu zaba yina mu ke zonzilaka. Kaka na balukolo awa na komte ya beto—ya beto, kaka na kati awa na bakomte yayi, kulwata ya bantwenya ya bamama, kuzaba ve. . . bawu ke tuba na bamama ya bawu ti bawu ke na kukwendaka na bisika yankaka, mpe ke kutana na bana ya babakala mpe ke sala mpe kindumba na babala-bala ya Louisville (Yinki ya kele?), mpe ke yimba na chorale.

²¹⁰ Samu, bawu kele na mwa Nsangu mosi ya mbote ya ntama ya bantu ya kutelama kuna, kisika milongi ke telama mpe ke zonzila na mwa bima ya fyoti, mpe mwa masolo ya fyoti ya Biblia, to kima mutindu yina, na kisika ya kulonga kubalula ntima mpe kunata babakala mpe bakento na autel.

²¹¹ Papa ya yandi ke kwiza na mpimpa mpe ke namisa cigare ya yandi, ke baka kopo ya byele, mpe ke vwanda na kunwa yawu. Mama ke basika, kilumbu ya muvimba, na nkonga ya bankento samu na ntangu mosi ya nsaka ya bakalati, na kima mosi na bampangi mutindu yina. Wapi mutindu beno lenda vingila ti mwana kuvwanda kima yankaka?

²¹² Beno tala, klima nyonso na yina beno ke zinga, ya kele yina beno kele.

²¹³ Beno baka mwa mwana ya kento, mwa mwana ya bakala, beno tula bawu awa kisika, beno bika bawu zinga na muntu mosi. Beno baka muntu, mu lenda baka mwana ya munu ya

bakala, beno bika yandi kisika kilumbu na muntu mosi; ti mu kwiza, mu lenda ntangu nyonso kutuba na beno na nani yandi me vwanda. Kieleka. Beno tala mbote, klima yina, mpeve yina ke simba yandi.

214 Beno ke kwenda na dibuundu, kisika bantu nionso. . . beno kwenda na mabuundu ya Mpeve-Santu, to—to na mabuundu ya Pentecote, mutindu bawu ke bokila yawu. Ti muntu nionso kuvwanda. . . Oh, ba ke kima mbangu mpe ke ningisa yintu ya bawu na manima mpe na ntwala, ti pasteur ke salaka yawu; beno tala mbote dibuundu ya muvimba kubanda na kusala kima mutindu mosi. Ti Babakala, bantu, ke telema mpe—mpe ke sala kaka bima ya boma, to kima yankaka; beno tala mbote kima nionso ke sala yawu. Beno kota na kisika pasteur kele kieleka ya kukangama mpe madidi; beno tala mbote kimvuka ya muvimba ke sala yawu. Beno ke kota na klima yina.

215 Beno baka bakala yina kele na nkadulu ya mbote, mpe ti yandi kwela ntwenya mosi ya kento ya ntama yina ke lunga ntalu ya pata ve; ya ke kwenda ntama mingi ve ti yandi mpe ke lunga ntalu ya pata ve. Yawu yina salamaka na Achab. Beno baka kima mosi, na yandi mpe na yankaka, ti ntwenya mosi ya mbote ya kento kukwela bakala mosi ya kukula yina ke lunga ntalu ya pata ve; kima ya ntete beno zaba, yandi ke sala kima mutindu mosi yandi ke na kusalaka.

216 Mutindu mu lendaka landila, na suka yayi, mpe kulakisa maboko ya munu na zulu ya bayinzo ya fioti yina me bukana mpe bima mutindu yina, kisika mwa bamama ya luzolo me vukana na papa ke kunwaka, mpe bima mutindu yina, mpe banzaka ti bawu lendaka sala kima mosi na yandi, mpe ntangu yayi mama ya muvimba mpe bawu nionso yankaka ke na kunwaka mpe ke dyata mutindu yina. Ya kele klima.

217 Yinki ya kele? Ya kele diabulu. Ya kele diabulu, kuyala. Yandi me kota na yinsi yayi, mutindu nkosi ke boka. Yandi me vwanda yandi mosi awa na kisika ya kulutila mbote yina bawu kuzwaka, na Hollywood. Yandi tubaka, “Mu lenda baka ntwadusulu ya sienama awa tii televisyo ke kwiza, kuna mu ke kuzwa bawu.” Mpe yandi me vwanda kuna.

218 Mpe bantu ya dibuundu, na kisika ya kukanga basinema mpe kubika ve bana ya bawu kukwenda, bawu ke pesa bawu baccents kumi na Lumingu na manima ya midi mpe ke fidisa bawu kuna, samu bawu kuzwa mwa ntangu mosi ya nsaka ya bakalati na bampangi, samu na kubasika bawu mosi mpe kutambula bisika nyonso. Oh, wapi nsoni. Ntangu yayi bawu ke namisa kaka televisyo mpe kutala nyonso ya mvindu, ya kupola ya buzoba yina kele na yinza, na yawu. Ya kele kieleka.

219 Mu kele na dyambu ve na sinema. Mu kele na dyambu ve na televisyo. Ya kele kima ya kupola yina kele na yawu. Ya kele yina

ya kele. Kana beno me bumba yawu na buzitu, ya zolaka vwanda na buzitu.

220 Beno lenda teka ve basapatu ya babuto ya mutindu ya ntama awa na mbanza, bubu yayi, na mutindu nionso. Bakento ke zola yawu ve. Ba ke zola kubasika misapi ya bawu. Bakento yankaka ke na kusalaka yawu. Ya kele kieleka.

221 Ntangu beno ke kwenda na dibuundu, beno lenda teka bawu ve nsambulu ya ntama, samu, kento yina yankaka, yandi lenda ve, ve, yandi zola ve kima ya kusala na yawu. Ve, tata. “Mu kele na nsatu ya kukwenda kuna ve. Mu ke kwikila kaka, ya kele nyonso ya kele na yawu.” Oh, mpangi, dyabulu ke kwikilaka, mpe. Kieleka. Beno ke balula ntima to beno ke kufwa.

222 Ntangu yayi, beno lemvokila munu; ve, mu kele ve. Ve, mu kele ve. Ve, mu ke katula yawu. Mu zola bantu. Kasi mu—mu—mu—mu zola beno mingi na kumona ti beno kukota kuna yintu na yisi mutindu yina. Kana Nzambi zola, mu ke baka yayi mwa ntama na ntwala na sabala.

223 Ntangu yayi, samu na beno bamama yina kele bamama, kaka dyambu na beno ntete beto kwenda. Nzambi kusakumuna beno. Beno ke kulisa bana ya beno mbote.

224 Beto ke vutukila kuyala yayi; beto fwana kukota dyaka na bayinzo, mpe bisika mingi, balukolo, mpe kuna na bisika na yawu. Beto ke vutukila yawu.

225 Kasi, ba me yala Etats-Unis, diabulu me yala yandi. Beno vwanda na boma ya Russie ve. Russie kele na kima ya kusala ve. Beto ke na kusalaka yawu beto mosi, kupola ya beto mosi kaka na kati-kati ya beto. Ya kele kieleka.

226 Beno zaba, Etats-Unis kele na mambu ya kufwa makwela kulutila yinza ya muvimba? Kufwa makwela ya kulutila; beno banza na yawu. Ya ke pesa boma? Bumama me beba. Bamama ke vwandaka diaka ve na yinzo na bana ya bawu, mutindu ba vwanda salaka. Ba fwana kuzwa kusalu.

227 Awa kilumbu yankaka yina, muntu mosi ya butiki na mbanza yayi, vwanda zonzila munu na yawu. Bakento yayi yina ke salaka na ba-usine yayi ya leta, bantwenya ya bakento yayi ya kukwela na nkonga ya bana ya fyoti. Ba kele na mikengi ke kipeke ba-bebe ya bawu. Ba ke salaka na bisika yayi ya bantu mingi. Yandi tubaka, “Ya vwandaka na zole ya bawu yina vwandaka kuna, ntangu ba katulaka bawu, na bisalu ya bawu ya leta, bawu vwandaka tuba, ‘Beni tala boma ve. Beto ke lenda yawu, na mutindu nyonso.’”

228 Oh, ntangu ya kindumba ke na kwiza. Ya kieleka. Diabulu me tuba na bawu ti bawu kele mfumu ya yinzo. Bawu ke sala mbongo ya bawu mosi. Bawu ke sala yina bawu zola. Mpe beno basisa yawu na bawu, kana beno lenda.

229 Ya kele kaka na kima mosi yina lenda basisa yawu na bawu, ya kele autel, na ntwala ya Yesu Klisto, nsambulu ya mutindu ya ntama, yina ke basisa maza ya meso, yina ke buka bantima ya bawu mpe ke mwangisa bawu bitini-bitini, mpe kusala bawu yina bawu zolaka vwanda. Ya kele kieleka.

230 Ba lendaka banza ti mu kele kaka kiboba mosi ya kulawuka fyoti. Kasi kilumbu na ntangu beno ke na kufwa, mpangi ya munu ya bakala, mpangi ya kento, beno ke bakula ti mu tubaka na beno Kieleka. Ya kele kieleka.

231 Yawu me banda, kuyala, ngunga yawu yayi. Ntangu yayi, ntangu yayi, yinga, ngunga ya lukanu, mpe, ngunga ya lukanu; ve kukwisa na dibuundu, kasi ngunga ya lukanu kana beno ke sadila Klisto to ve to beno ke vwanda tiya ve madidi ve na dibuundu ya beno. Mpe ya kele kieleka.

232 Ya kele na bamambeke mingi ya dibuundu. Kana bama- . . . to bantu ya Amerika yina ke tubaka ti ba kele Baklisto, lendaka vwanda Baklisto ya kieleka, yina me butuka dyaka, mpangi, beto zolaka vwanda na lukengolo mutindu beno zolaka vwanda na Mazulu, na kutala, na bamvita mpe bampasi, yinga, tata, bimbevo zolaka bika yinsi, bima nionso yankaka.

233 Ya ke vwanda ve mbote na kukulumuka bala-bala mpe kumona kisika mama ke kwiza, mpe bakala, “Wapi faso, mpangi ya kento? Mbote, mpangi ya bakala”? Kulumuka, ya kele ve. . . Beno kele ve na boma na yinza. Nyonso kele kaka mbote mpe ya kulutula mbote. Mpe muntu ke kwiza na nsongi ya bala-bala; na kisika ya kumeka na kutambula na zulu ya beno, yandi ke telama, ke tuba, “Mbote mingi, mpangi ya bakala. Mbote mingi, nge kuzwaka. . . Oh, nge kele ntete na munu,” beno me mona, kaka kuzola mingi. . . Ya ke vwanda mbote ve? [Dibuundu me tuba, “Amen.”—Mu.] Beto ke kuzwa yawu, kasi ya kele na Millenium, mpangi. Kilumbu ke na kukwizaka. Ya kele kieleka. Na yawu ntangu yayi beto kele ve. . .

234 Mu telemaka na kizunga ya beto, awa kilumbu yankaka yina; mu kele na dyambu ve na kizunga ya beto, kasi mu lenda tala bana ya beto ya fioti. Kento ya munu vwandaka dila. Dokotolo mosi ya mbanza yayi, mwa mwana ya yandi ya kento vwanda tambulaka na mwa mwana ya munu ya kento, mpe bawu vwanda zolasanaka mosi na yankaka; tii bawu bakulaka ti nkumbu ya yandi vwandaka Branham, mpe ti yandi vwandaka mwana ya Révérend Branham. Yina sukisaka dyambu. Mwa mwana ya kento yina zolaka kwenda dyaka ve na mwa mwana ya munu ya kento. “Oh,” mu banzaka, “mbote, ok.”

235 Mwa bamfinangani yankaka kwizaka kuna, tubaka, “Mbote, nionso yina vwandaka mbote.” Na yawu, bawu kwendaka na pasteur ya bawu. Beno tuba na munu ve. Beno zaba, mu—mu kele na mutindu ya kuzaba mambu mingi, beno me mona. Na yawu bawu—bawu kwendaka na pasteur ya bawu, mpe tubaka, “Nge

zaba, ya kele na muntu yina ke zingaka na kizunga ya beto, yandi kele mbote mingi na bana ya beto.” Tubaka, “Ya kele Révérend Branham. Yandi ke bakaka bawu, ke tula bawu na kati ya mwa kaminio ya yandi ya ntama, mpe ke basisa bawu.”

²³⁶ Yandi tubaka, “Mbote, uh, *Hum!* Beto kele na diambu ve na Reverend Branham. Yandi kele nyonso mbote, kasi, beno me mona, yandi kele kaka kalasi yankaka ya bantu na yina beto kele.” Yinga. “Beto, mu—mu ke zola ti beno kuvwanda ve. . . beno zaba, mu ke zola ve mutindu ya. . . Beno zonza na bawu, mpe beno vwanda na bumpangi, kasi beno bika kaka yina vwanda nsuka.”

²³⁷ Oh, mpangi! Kento ya munu vwandaka kuna, vwanda dila. Mu tubaka, “Cherie, ya kele ndilulu ya kukabwana. Samu na munu na yinzo ya munu, beto ke sadila Mfumu.”

²³⁸ Ata ti yinza nyonso kubwa na ziunga ya munu; dyaka Yesu Klisto! Kana ba ke bokila munu fanatiki, kana ba fwana tina munu na baya munu bampa- . . . bampangi ya munu bantu, mpe bima ya mutindu yina, Mu ke soola dyaka Yesu Klisto. Beno simba diboko ya Nzambi yina ke sobaka ve. Ntangu bankundi ya ntoto ke bika beno, beno kangama mingi na Yandi. Beno kangama na Yandi.

²³⁹ Nzambi, bika mu longi mutindu mu me salaka yawu ntete ve. Bika mu longi na bantu yina ke na kufwa, mutindu muntu ke na kufwa, munu mosi. Bika mu longi na bantu mutindu mu ke vwanda diaka ve na dilongi yankaka ya kulonga. Bika mu ndimisa bawu na kukwiza na autel, na bizizi ke basisa maza ya meso; ke vutuka na yinzo mpe ke zinga mutindu Baklisto, mpe kuzinga na bamfinangani ya bawu. Kusukisa bansaka nyonso yayi awa mpe kukwenda bisika, mpe kudumuka mpe kusala nyonso; mpe kusala mutindu *yayi*, mpe kutsalana na *yayi*, mpe kukwenda nzila *yina*. Oh, beno sala mutindu yina ve. Ya kele dyabulu. Bampeve ya yimbi yayi ke kwiza na zulu ya Baklisto.

²⁴⁰ Beno bambuka moyo, milongi yina kuna, bawu vwandaka baprofete yango. Bawu vwandaka baprofete. Bawu vwandaka bantu ya nsambulu yina vwanda pesaka munkayulu. Bawu vwandaka kaka misambidi mutindu milongisi ya kilumbu yayi, kasi, mpangi, bawu vwandaka ntama mingi na kuzaba kieleka.

²⁴¹ Beno ke mona ve mutindu musambidi diabulu kele? Diabulu kele muntu ya ntama ve, kima ya nene ya mutindu communisme, nionso yina ke teleminaka Buklisto. Ya kele ve. Ya kele ya, oh, mbote, ya dyabulu, kieleka, kasi ya kele ve mbeni ya Klisto. Mbeni ya Klisto kele kieleka musambidi, musambidi ya kieleka. Ya vwandaka mpeve ya lukwikilu yina komaka Yesu na kulunsi. Ya kele ntangu nyonso yinza ya nsambulu, bantu ya nsambulu, yina ke komaka na kulunsi. Ya kele bantu ya nsambululu yina vwandaka telemina Klisto ya kieleka. Ya vwandaka baprofete

ya nsambulu yina vwandaka telemina Michée. Ya kele bantu ya nsambulu ya kilumbu yina ke na kutelemina Nsangu ya Nzambi.

²⁴² Beno bambuka moyo, mu me kebisa beno. Mu me tubila beno. Mu ke na kuzonzila mingi ve na yina me tala Katolisisme, mpe bu-Baptiste mpe bu-Methodiste; Mu ke na kuzonzila kaka na bantu yina kele ya busantu, kaka na banzila yayi awa. Beno tala yawu bubu yayi, mutindu yawu me basika mpe me telama na kimpa. Oh, la la. Mu ke kota na yawu, na ntangu yankaka. Mpe ntima ya munu ke bukana na kati ya munu.

²⁴³ Beto ke telama kuna na banjo ya ntama, na kubulaka banjo yina ya ntama, mpe kukalata violon ya ntama mutindu yina, “Yayi kele cowboy ya Texas *Kingandi?*” Mu kele na diambu ve na muntu yina; kasi ya kele kuna na yinza. Ya kele kieleka. Mu ke zola kutelema, mpangi, na kima mpe ve, ya kima ve, ata kima mosi ve, kasi kutelema kaka mpe kutelemisa maboko mpe kutuba, “Yesu, bumba munu pene-pene ya kulunsi.” Yinga, tata.

Kulunsi ya busantu mu ke baka,
Tii lufwa ke pesa munu kimpwanza,
Na yina kukwenda na Yinzo samu na kwenda
Iwata yimpu ya kimfumu,
Samu ti ya kele na yimpu ya kimfumu samu na
munu.

²⁴⁴ Samu na beno bamama ya fioti awa na suka yayi, bayina me vwanda bamama ya kieleka, mpe mu zaba ti ya kele na mingi ya beno; Mu banza, beno nionso. Bika mu tuba na beno kima mosi. Nzambi kusakumuna beno. Beno kele Nsangu ya mbote ya tanu, mu banza. Beno bika mu tuba na beno yina ntangu yayi samu na bana ya beno, beno vingila fioti. Samu ti, Mpangi Neville ke longa na kutala na . . . na yina me tala bamama na nkokila yayi, to muntu yina ya ke vwanda, mosi ya beto yina ke longaka, mbote mingi, na yina me tala bamama. Kasi, beno kuwa, beno bika mu yufula beno kima mosi.

²⁴⁵ Beno bambuka moyo, ntangu Moise vwandaka mwana ya bakala ya fioti, ya vwandaka mama yina pesaka yandi ndongosolo ya yandi. Ya vwandaka mama mosi ya santu yina bakaka Moise ya mwana na makulu ya yandi, mpe tubaka, “Moise,” longaka yandi nionso. Yandi vwandaka mulongisi ya yandi, to, yandi vwandaka mulongisi ya yandi, na kisika, landila lutumu ya Pharaon, mpe tubaka, “Ntangu yayi, bima yayi,” yandi tubaka, “Moise, kilumbu nge ke vulusa bana ya Israel. Nge kele mwana ya bakala yina ba me bokila na kisalu. Bumba nge mosi ya kuvedila mpe keba na nge mosi na mvindu na yinza, samu ti nge kele yandi yina. Nge kele yandi yina.”

²⁴⁶ Beto zaba kisika yankaka ve, kisika yandi kwendaka dyaka na seminere mosi, na ensegnema mosi fyoti, yandi kuzwaka ve. Yandi vwandaka kaka na yinzo ya kimfumu ya Pharaon, yina vwandaka mumpani; kasi mama ya yandi vwandaka longa

yandi. Yina kele mama ya kieleka. Yandi longaka yandi musiku ya Mfumu. Yandi tubaka na yandi mutindu yandi fwana vwanda ya santu. Yandi tubaka na yandi wapi mutindu mpe mutindu yandi zolaka zinga, mpe wapi mutindu, yina Nzambi fwana sala, ke sala samu na yandi. Mpe ya kangamaka na Moise bilumbu nionso ya luzingu ya yandi.

247 Mpe mama nionso ya mbote, ya kieleka, ya kukwikama yina ke baka mwa ba-bebe ya yandi, na kisika ya kutinda bawu na sinema mpe na mabina, mpe nionso yina ya mutindu yina, mpe yandi ke tula bawu na zulu ya mabolongo ya yandi mpe ke longa bawu na zulu ya Mfumu Yesu Klisto.

248 Awa kilumbu yankaka, mu vwandaka solula na mama mosi na alo-alo. Mpe mama yina tubaka, “Oh, Mpangi Billy,” yandi tubaka, “mwana ya munu ya bakala ya mawa kele na dyambu.” Mu tubaka, “Oh, na wapi dyambu yandi kele.”

249 Mu tubaka, “Yinga, mu zaba yawu, mpangi ya kento, chérie.” Mpe yandi tubaka, “Yandi lendaka vwanda na kifu. Mu zaba ve.” Yandi tubaka, “Mosi ke tuba *yayi* mpe mosi ke tuba *yina*. Mu zaba ve. Kasi,” yandi tubaka, “ata kana yandi kele na kifu to ve, mu zola yandi.” Beno bawu yayi, “Mu zola yandi.”

250 Yandi tubaka na mama ya yandi, yandi tubaka, “Mu me vunama mingi na *yayi* mpe *yina*.” Yandi tubaka, “Mama, mu ke kwikila ti nge kele kaka cherie ya kieleka yina kele na munu; kento yina kele kieleka na munu, mpe kele pene-pene ya munu.” Yina kele zola ya mama. Ya kele mama ya kieleka yina ke tula maboko ya yandi na bebe ya yandi. Ata ti yandi kele ya kusungama to ve, yandi ke kwenda kaka. Mpe kana Nzambi. . . Kana mama lendaka banza yawu na bebe ya yandi, wapi mutindu Nzambi ke banza ya kulutila na baya ya Yandi. Beno me mona? Beno vwanda kaka na Yandi. Beno tambula mbote.

251 Mpe ntangu yayi beno bika mu tubila beno na mama yankaka, na nswalu nionso, na kati ya Biblia, ntete beto sukisa. Ya vwandaka na mama mosi na nkumbu Herodias. Yandi vwanda longisaka mwana ya yandi ya kento mabina ya ba-claquette. Yandi vwanda zola ti yandi kuvwanda ya kuzabana. Mpe yandi binaka na ntwala ya ntinu, mpe lombaka yintu ya Jean-Baptiste. Beto kele na bana ya yandi makumi sambwadi, ya mwana ya kento yayi yina binaka na ntwala (mwana ya kento Herodias), yina binaka na ntwala ya Herode; makumi sambwadi ya bana ya yandi, bawu kufwaka na kindumba to ba komaka bawu.

252 Mama mosi kulongaka baya yandi bima ya yinza; mama yankaka longaka baya yandi bima ya Nzambi. Mosi kumaka ntwadisi ya nene mpe munungi ya nene, yandi kele moyo na kati-kati ya bantu bubu yayi; mpe yankaka yina kele na busafu mpe na difelo, mpe me nata mafunda ya mafunda ya yandi. Beno me mona yina mu zola kutuba? “Kulisa mwana na nzila yina yandi zolaka kwenda.”

253 Mpe ya kieleka mu ke kabula mpasi na beno bamama ya mputu ya kuvwanda awa ya kulwata rose ya beno ya mpembe. Ya kele na Mazulu yina mama me kwenda, bubu yayi, kisika mama ya mutindu ya ntama ya mbote yina zingaka samu na Nzambi, na kutala me luta na manima ya vwale. Yandi ke na kuvingila beno kwisa. Ya kieleka.

254 Mu ke zitisa beno mpe mu ke pesa beno lukumu kuna na barose ya beno ya kulwata. Mama ya beno, kana beno zola kusala kima samu na yandi, beno sala yawu bilumbu nkama tatu na makumi sambanu na tanu ya mvula. Beno kwenda na yinzo ya yandi mpe sambila, mpe beno zinga samu na Nzambi. Yawu kima ya kusala. Mpe beno kulisa bana ya beno. Mpe ntangu bana ya beno ke kula, ba ke bokila beno “ya kusakumuna,” na manima beno me luta na manima ya vwale. Yawu yina mpeve ya kieleka ya bumama, mpeve ya kieleka ya bilumbu ya bamama. Kilumbu ya bamama kele bilumbu nkama tatu na makumi sambanu na tanu ya mvula.

255 Yayi kele kilumbu yina bawu ke tekisaka bafololo mpe ke kabulaka makabu, yinza ke salaka yawu. Kana ya landila, kana yinza lendaka vwanda bamvula makumi zole dyaka, ba ke vwanda na bilumbu ya bana ya babakala, na bilumbu ya bana ya bakento, na bilumbu ya bampangi ya babakala, mpe na bilumbu ya bamama-nkasi, mpe nyonso yayi mutindu yina, kaka ya kulunga samu na kunata yinza na kungenga ya mumbungu. Ya kele kaka kisika yina yawu ke na kukwendaka, mbala mosi na difelo, kaka mpasi mutindu yawu lendaka kwenda, na kubeba.

Kasi, beno, Nzambi kusakumuna beno, ya kele kisambu ya munu. Beto ke sambila.

256 Tata ya beto ya Mazulu ya mbote, mutindu beto ke tala na manima, na suka yayi, na mabanza ya beto, ntama kuna na manima, mwa bankama ya bamvula me luta, ntangu kuna Josaphat vwandaka kuna na lweka ya Ntinu Achab. Mpe na mwa Mpeve na kati ya ntima ya yandi, yina bikanaka ya Nzambi, ata ti yandi salaka kifu, na kutubaka na yandi, yandi tubaka, “Yayi kele yimbi. Yayi kele yimbi. Ya kele mvindu. Ya kele ya santu ve. Profete me tuba ti bima yayi lendaka landila ve mutindu yayi.” Mpe mwa Tiya ya Nzambi vumbulaka yandi.

257 Mpe kuna Nge vwandaka na muntu samu na kupesa mvutu na mwa Tiya yina, yina vwandaka Michée, profete ya kieleka ya Nzambi. Ata ti yandi lendaka kwiza kuna na bintende, ata ti yandi lendaka kwiza kuna kidi-kidi, mpe bawu nyonso na kutalaka yandi mutindu kana nkonga ya ba-loup ke na kutalaka mwana-dimeme. Kasi yandi tubaka kieleka, ata ti ba zolaka bula yandi mbata na kizizi, ata ti ba zolaka losa yandi na boloko mpe kudya dimpa mpe maza ya mawa. Kasi, dyaka, mambu yina yandi tubaka kusalamaka, samu ti Nge vwandaka na yandi.

258 Nzambi, sala, bubu yayi, mpe beto ke na kutala na Biblia yayi. Beto ke tala na babuku ya dibuundu, na ba-decalogue, mpe nyonso yina, ya mabuundu, na barite, mpe kumona mutindu bawu ke sala *yayi, yina, to yankaka*. Kasi bika beto tala na Ndinga yayi ya kieleka awa, mpe kumona yina Yawu ke tuba: “Kukondwa busantu, muntu mosi ve ke mona Mfumu. Beno landa ngemba mpe busantu, na yina, kukondwa, muntu mosi ve ke mona Mfumu. Yandi yina ke zolaka yinza, to bima ya yinza, luzolo ya Nzambi kele ve na kati ya yandi.”

259 “Na bilumbu ya nsuka bantangu ya mpasi ke kwiza. Bantu ke vwanda na munimi, ke vwanda na matalana, ke vwanda na lunangu.” Oh, bima ya nene yayi, Mfumu, ya ke na kusalamaka. “Ya kukinata, ya kufuluka na lunangu, bantu ya luzolo ya kyese kulutila luzolo ya Nzambi; ke longa bantu balutumu ya—ya bantu na kisika ya misiku ya Nzambi; ke lakisa mutindu ya kinzambi, mpe ke manga ngolo ya Mpeve-Santu” ke sala muntu kuvwanda ya kufuluka na Mpeve, kusala yandi kusepela, samu na kubasisa maza ya meso na meso ya yandi, kubasisa yandi mpe kusambila samu na bambevo, kusala yandi kuzonza na bandinga mpe kutendula, kusala yandi kupesa profesii. Mpeve ya Nzambi, Nzambi ya moyo, ba me basisa Yawu kaka na kimvuka mosi to na kima mosi ya mutindu yina, “Na nkadulu ya kinzambi, mpe ke manga yina ke pesaka Ngolo ya yawu.”

260 O Nzambi, bika ti mwa nkonga yayi ya bantu, na kilumbu yayi, kuvumbuka mbangu, kaka ntangu yayi, ntete ntangu ya nsuka kukwisa, mpe kubaka beto na kondisyo yayi. Ti beto vwanda, ya kuvedila, mutindu Biblia ke tuba, “Beno telama mpe beno ningana. Mpe beno lomba nzila ya ntama, yina kele nzila ya mbote, mpe ntangu beno ke mona yawu, beno tambula na kati ya yawu.” Nzambi, sala ti beto lenda kuzwa nzila yina ya ntama ya mpasi, ntangu beto lenda vwanda kintwadi dyaka, bankama, mpe kuvukisa maboko ya beto kintwadi mpe kuyimba.

Mu ke baka nzila na bantu fioti ya Mfumu yina
ba me vwenza.

Mu me banda na Yesu mpe mu ke kwenda tii
na nsuka.

Nzambi, sadisa beto na kuzinga yina mpe kuvwanda yina.

261 Sakumuna bamama yayi nionso ya luzolo yina me vwanda awa, Mfumu; na kuzabaka ti bawu kele bamama, bawu mosi, na ba-rose ya mpembe ya kukanga na bakazaka ya bawu, na suka yayi, mutindu lubambuku ya mama ya luzolo ya ntama yina me luta na manima luzingu. O Mfumu ya Luzingu, sakumuna bawu, Mfumu. Mpe ti bawu vwanda ya kusakumuna, mpe, mpe ti lubambuku ya bana ya bawu kuvwanda mutindu ya bawu kele na mama ya bawu, kana yandi me kwenda na manima ya vwale, na Mazulu ya nkembo. Pesa yawu, Mfumu.

²⁶² Mpe suka mosi ntangu luzingu ke basika na misisa ya beto, mpe kupema ke kondwa na beto, vwale ke zibuka; yandi ke kwiza, mu banza, na nsuka ya Jourdain, samu na kusadisa beto. Oh, na kilumbu yina ya nkembo ntangu beto ke dyata kuna, kisika ya ke vwanda ve . . . Mupepe ke vwanda na mvindu ve ya mulinga ya makaya. Ya ke vwanda ve na kinwi-malafu na bala-bala. Ya ke vwanda ata mbala mosi ve na ndumba. Ya ke vwanda ata mbala mosi ve na disumu. Ya ke vwanda ata mbala mosi ve na kima mutindu yina. Kasi, na ntangu nyonso ya nkembo, beto ke zinga na ngemba na Mfumu ya beto Yesu Klisto mpe bana ya beto. Mpe, oh, wapi kilumbu ya kitoko.

²⁶³ O Tata, na yina mpimpa ya nene ke na kulandana, bitumba, mpe diabulu ke na kuyala bayinsi, mpe ke na kuyala ba-chaire, ke na kuyala mabuundu, ke na kuyala bantu, ke na kuyala mimbungu, ke na kuyala bambanza, mpe balukolo mpe bayinzo; O Nzambi, sadisa beto na kutelama, na kubasisa mbele na nswalu mpe kunwana samu na Nzambi, mutindu Moise na—na ba-Levite salaka kuna ntangu disumu vwandaka na kan. Sadisa beto, Mfumu.

²⁶⁴ Lemvokila beto ntangu yayi, mpe sakumuna beto. Mpe bumba beto ya kulemvuka, buka beto, Mfumu. O Nzambi, Nge tubaka, “Yandi yina ke tambula, na kukunaka na maza ya meso, kukondwa ntembe ke vutuka dyaka, na kusepela, na kunataka na yandi kita.” O Nzambi, buka beto na bitini-bitini. Yidika beto, dyaka, Mfumu. Beto ke na kubasisa mingi na nzila.

²⁶⁵ Munu, munu mosi, Mfumu, mu ke na kukumaka na kisika yina mu ke na kubanzaka na yina me tala bantu yikwa ke vwanda na lukutakanu ya munu. O Nzambi, mu zola ti Nge kwisa. Kwisa, Mfumu! O Klisto, kwisa Mfumu! Buka munu; yidika munu dyaka. O Mfumu, kubika ve, ata mbala mosi ti mu kuzwa bima yina na dibanza ya munu. Nzambi, bumba yawu na munu.

²⁶⁶ Sadisa munu, Mfumu, na kulonga, mutindu mu me tuba, ntama mingi ve, mutindu muntu yina ke na kufwa na bantu ke na kufwa, na kuzabaka ti beto nyonso fwana kutana na Seko. Beto fwana telama na ntuala ya Nge; ntangu Nge kele ve na mutindu ya Nge ya kusala, ntangu Nge kele ve na kyadi, ntangu Nge kele ya kutelama kukondwa kyadi; ntangu Nge me telama, ya kudasuka, samu na kunata lufundusu na zulu ya bayinsi mpe bantu yina me losa mpe me mvwenza luzolo ya Mwana ya Nge.

²⁶⁷ Nzambi, pesa munu kyadi na Yandi bubu yayi, ti na Kilumbu yina mu lendaka telama ya kundima. Mu lendaka dila ntangu yayi, kasi Nge ke kusuna yawu, na kiese, na ntangu yina, ntangu Nge ke tuba, “Kota na biese ya Mfumu, yina ba kubikaka samu na nge kubanda mbandukulu ya yinza.” Nzambi, vwanda na beto ntangu yayi, mpe sadisa beto, beto ke sambila, na Nkumbu ya Yesu. Amen.



KUYALA YA ETATS UNIS KNG54-0509

(The Invasion Of The United States)

Nsangu yayi ya Mpangi William Marrion Branham, kulongamaka na Kingelesi, na Kilumbu ya Bamama, na Lumingu na suka, na kilumbu ya 9 ya Ngonda ya tanu, na mvula 1954, na Branham Tabernacle na Jeffersonville, Indiana, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kisdilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org